



ՀԵԼՍԻՆԿՅԱՆ ՔԱՂԱՔԱՑԻԱԿԱՆ ԱՄԱՄԲԼԵԱՅԻ ՎԱՆԱԶՈՐԻ ԳՐԱՍԵՆՑԱԿ
HELSINKI CITIZENS' ASSEMBLY-VANADZOR



Open Society Foundations - Armenia

Բաց Հասարակության Հիմնադրամներ - Հայաստան

ԶԵԿՈՒՅՑ

2021 թ. ՁՄԵՌԱՅԻՆ, 2022 թ. ԱՄԱՌԱՅԻՆ ԵՎ 2022 թ. ՁՄԵՌԱՅԻՆ ԶՈՐԱԿՈՉԵՐԻ
ԸՆԹԱՑՔՈՒՄ ԶՈՐԱԿՈՉԻԿՆԵՐԻ
ԻՐԱՎՈՒՆՔՆԵՐԻ ՎԻՃԱԿԻ ՄԱՍԻՆ

ՎԱՆԱԶՈՐ

2023

Հեղինակային խումբ՝

Նազելի Մովսեսյան

Արմինե Սադիկյան

Անուշ Պետրոսյան

Խմբագիր՝

Արթուր Սաքունց

Սույն զեկույցը պատրաստվել է Բաց հասարակության հիմնադրամներ կազմակերպության ֆինանսական աջակցությամբ:

Սույն զեկույցի մեջ արտահայտված տեսակետները, մեկնաբանություններն ու եզրակացությունները հեղինակներինն են և հնարավոր է, որ չհամապատասխանեն ֆինանսավորող կազմակերպության տեսակետներին:



ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ..... 1

ԶՈՐԱԿՈՉԻ ԳՈՐԾԸՆԹԱՑԸ ԿԱՐԳԱՎՈՐՈՂ ՕՐԵՆՍԴՐՈՒԹՅՈՒՆԸ, ՕՐԵՆՍԴՐԱԿԱՆ ՓՈՓՈԽՈՒԹՅՈՒՆՆԵՐԸ ԵՎ ՕՐԵՆՍԴՐԱԿԱՆ ԲԱՑԵՐԻ ԿԱՍ ՕՐԵՆՍԴՐՈՒԹՅԱՆ ԿԻՐԱՌՄԱՆ ՀԵՏ ԿԱՊՎԱԾ ԽՆԴԻՐՆԵՐԸ..... 3

2021 թ. ՁՄԵՌԱՅԻՆ, 2022 թ. ԱՄԱՌԱՅԻՆ ԵՎ 2022 ՁՄԵՌԱՅԻՆ ԶՈՐԱԿՈՉԵՐԻ ԸՆԹԱՑՔՈՒՄ ԱՐՁԱՆԱԳՐՎԱԾ ԽՆԴԻՐՆԵՐԻ ԵՎ ԿԱԶՄԱԿԵՐՊՈՒԹՅԱՆ ԿՈՂՄԻՑ ԻՐԱՎԱԿԱՆ ԱԶԱԿՑՈՒԹՅԱՆ ՎԵՐԱԲԵՐՅԱԼ ՎԻՃԱԿԱԳՐՈՒԹՅՈՒՆԸ..... 26

2021 թ. ՁՄԵՌԱՅԻՆ, 2022 թ. ԱՄՌԱՅԻՆ և 2022 թ. ՁՄԵՌԱՅԻՆ ԶՈՐԱԿՈՉԵՐԻ ԸՆԹԱՑՔՈՒՄ ՀՔԱ ՎԱՆԱԶՈՐԻ ԳՐԱՍԵՆՅԱԿ ԴԻՄԱԾ ՊԱՀԵՍՏԱԶՈՐՈՒՄ ՀԱՇՎԱՌՎԱԾ ԱՆՁԱՆՑ ԽՆԴԻՐՆԵՐԸ 57

ԱՌԱՋԱՐԿՈՒԹՅՈՒՆՆԵՐ..... 45

ՀԱՎԵԼՎԱԾ 1. 2021 թ. ՁՄԵՌԱՅԻՆ, 2022 թ. ԱՄԱՌԱՅԻՆ և 2022 թ. ՁՄԵՌԱՅԻՆ ԶՈՐԱԿՈՉԵՐԻ ԸՆԹԱՑՔՈՒՄ ԿԱԶՄԱԿԵՐՊՈՒԹՅԱՆԸ ԴԻՄԱԾ ՈՐՈՇ ԶՈՐԱԿՈՉԻԿԻ ԳՈՐԾԵՐԻ ՆԿԱՐԱԳՐՈՒԹՅՈՒՆՆԵՐԸ 57

ՀԱՎԵԼՎԱԾ 2. 1998 թ-ից ՄԻՆՉԵՎ 2023 թՎԱԿԱՆԻ ՀՈՒՆՎԱՐԻ 31-Ը ՀՀ ԿԱՌԱՎԱՐՈՒԹՅԱՆ ՈՐՈՇՄԱՍԲ ՊԱՐՏԱԴԻՐ ԶԻՆՎՈՐԱԿԱՆ ԾԱՌԱՅՈՒԹՅՈՒՆԻՑ ՏԱՐԿԵՏՈՒՄ ՍՏԱՑԱԾ ԵՎ ԱԶԱՏՎԱԾ ՔԱՂԱՔԱՑԻՆԵՐԻ ՎԵՐԱԲԵՐՅԱԼ 57

ՆԵՐԱԾՈՒԹՅՈՒՆ

Հելսինկյան քաղաքացիական ասամբլեայի Վանաձորի գրասենյակը (այսուհետ նաև՝ Կազմակերպություն) գորակոչիկների իրավունքների պաշտպանությունը և գորակոչի գործընթացի նկատմամբ վերահսկողությունը դիտարկելով որպես զինված ուժերում մարդու իրավունքների պաշտպանության ապահովման և քաղաքացիական վերահսկողության կարևորագույն բաղադրիչներից մեկը, 2008 թվականից իրականացնում է գորակոչի գործընթացի մոնիթորինգ: Բացի մոնիթորինգից, Կազմակերպությունը իրականացնում է նաև նախագորակոչային տարիքի անձանց, գորակոչիկների, սահմանված կարգի խախտմամբ զինվորական ծառայություն չանցած քաղաքացիների, պահեստագործում հաշվառված քաղաքացիների իրավունքների և պարտականությունների շարունակական իրազեկում և իրավական խորհրդատվության ապահովում:

Կազմակերպության միջոցով քաղաքացիներն իրազեկվում են գորակոչի գործընթացի տարբեր փուլերում որոշակի իրավական ընթացակարգերի վերաբերյալ, մասնավորապես՝ պարտադիր ժամկետային ծառայության, վարժական հավաքների կամ գորահավաքային գորակոչի ենթակա քաղաքացիների շրջանում՝ ծանուցման, նրանց առողջական վիճակի հետազոտման, առողջական վիճակի վերաբերյալ բժշկական եզրակացությունների, պիտանիության վերաբերյալ որոշումների, բժշկական և այլ փաստաթղթերի տրամադրման հետ կապված պետական մարմինների գործողությունների, գորակոչիկների նկատմամբ վերաբերմունքի և այլ խնդիրների մասին:

Կազմակերպությունը իրականացնում է նաև օրենսդրական վերլուծություններ և պետական մարմիններին պարբերաբար ներկայացնում օրենսդրական փոփոխությունների և իրավակիրառ պրակտիկայի վերաբերյալ առաջարկություններ:

Կազմակերպության կողմից ներկայացվում է 2021 թ. ձմեռային, 2022 թ. ամառային և 2022 թ. ձմեռային գորակոչերի ժամանակահատվածում (2021 թ օգոստոսի 1-ից մինչև



2023 թ հունվարի 31-ը) Կազմակերպությանը դիմած գորակոչիկների իրավունքների վիճակի մասին զեկույցը:

Հաշվի առնելով նաև այն հանգամանքը, որ Հայաստանի Հանրապետությունում պարբերական վարժական հավաքներ սկսեցին անցկացվել 2021 թվականից սկսած, զեկույցում հակիրճ անդրադարձ է կատարված նաև դիտարկվող նույն ժամանակահատվածում (2021 թ օգոստոսի 1-ից մինչև 2023 թ հունվարի 31-ը) Կազմակերպություն դիմած պահեստագործում հաշվառված անձանց կողմից բարձրաձայնված խնդիրներին:

Զեկույցին կից հավելվածներում ներկայացված են նաև Կազմակերպություն դիմած որոշ գորակոչիկների գործերի նկարագրությունները, ինչպես նաև տեղեկություններ 1998 թ-ից մինչև 2023 թ. հունվարի 31-ը ՀՀ կառավարության որոշմամբ պարտադիր զինվորական ծառայությունից տարկետում ստացած և ազատված քաղաքացիների թվաքանակի վերաբերյալ:

Զեկույցում ամփոփված տեղեկությունները ստացվել են ՀՀ տարբեր մարզերից դիմած քաղաքացիներից, նրանց հարազատներից, ՀՀ պաշտպանության նախարարությունից և վերջինիս ենթակայության ներքո գործող կառույցներից:

Կազմակերպություն դիմած քաղաքացիները Լոռու (45 հոգի, որից 28-ը՝ գորակոչիկ, 17-ը՝ պահեստագործում հաշվառված անձ), Շիրակի (7 հոգի՝ 6 գորակոչիկ և 1 պահեստագործում հաշվառված անձ), Տավուշի (2 հոգի՝ 1 գորակոչիկ և 1 պահեստագործում հաշվառված անձ), Արագածոտնի (1 գորակոչիկ), Արարատի (2 հոգի՝ է գորակոչիկ և 1 պահեստագործում հաշվառված անձ), Արմավիրի (1 պահեստագործում հաշվառված անձ), Տավուշի (1 պահեստագործում հաշվառված անձ), Կոտայքի (2 հոգի՝ 1 գորակոչիկ և 1 պահեստագործում հաշվառված անձ), Սյունիքի (1 գորակոչիկ), Գեղարքունիքի (2 հոգի՝ 1 գորակոչիկ և 1 պահեստագործում հաշվառված անձ) մարզերից են, Երևան քաղաքից (21 հոգի՝ 12 գորակոչիկ և 9 պահեստագործում հաշվառված անձ), արտերկրից (16 հոգի՝ 15



գորակոչիկ և 1 պահեստագործում հաշվառված անձ), ևս 22 գորակոչիկ և 36 պահեստագործում հաշվառված անձ բնակության վայրը չի ցանկացել նշել:

Այսպես, նշված գորակոչների ընթացքում Կազմակերպություն է դիմել ընդհանուր թվով 158 հոգի, որից 70 գորակոչիկ, 69 պահեստագործում հաշվառված անձ, 9 զինվորական հաշվառման ենթակա անձ, 9 սահմանված կարգի խախտմամբ զինվորական ծառայություն չանցած անձ և 1 զինվորական ծառայության ընթացքում առողջական վիճակի պատճառով ոչ պիտանի ճանաչված քաղաքացի:

ԶՈՐԱԿՈՉԻ ԳՈՐԾԸՆԹԱՑԸ ԿԱՐԳԱՎՈՐՈՂ ՕՐԵՆՍԴՐՈՒԹՅՈՒՆԸ, ՕՐԵՆՍԴՐԱԿԱՆ ՓՈՓՈԽՈՒԹՅՈՒՆՆԵՐԸ ԵՎ ՕՐԵՆՍԴՐԱԿԱՆ ԲԱՑԵՐԻ ԵՎ ՕՐԵՆՍԴՐՈՒԹՅԱՆ ԿԻՐԱՌՄԱՆ ՀԵՏ ԿԱՊՎԱԾ ԽՆԴԻՐՆԵՐԸ

Չորակոչի գործընթացը, գորակոչիկների բժշկական զննության անցկացումը, տարբեր հիմնավորումներով տարկետումից օգտվելու իրավունքը կարգավորող և հարակից հիմնական իրավական ակտերն են.

- **«Զինվորական ծառայության և զինծառայողի կարգավիճակի մասին» ՀՀ օրենքը.¹**
 - 2022 թ. ապրիլի 12-ին ՀՀ ԱԺ կողմից ընդունվեց օրենք «Զինվորական ծառայության և զինծառայողի կարգավիճակի մասին» ՀՀ օրենքում փոփոխություններ և լրացումներ կատարելու մասին (ՀՕ-104-Ն²) :

Օրենքի 21-րդ հոդվածը լրացվեց 7-րդ մասով՝ հետևյալ բովանդակությամբ. «Սույն հոդվածի 1-ին մասի 3-րդ կետով սահմանված պարտադիր զինվորական ծառայությունից ազատվելու իրավունք ունեցող քաղաքացին կարող է իր դիմումի համաձայն հրաժարվել

¹ <https://www.arlis.am/DocumentView.aspx?docid=173242>
² <https://www.arlis.am/DocumentView.aspx?docid=162548>

պարտադիր զինվորական ծառայությունից ազատվելու իրավունքից և սույն օրենքով սահմանված կարգով գորակոչվել պարտադիր զինվորական ծառայության»:

Օրենքի 21-րդ հոդվածի 1-ին մասի 3-րդ կետը սահմանում է, որ ՀՀ պաշտպանության մարտական գործողությունների ժամանակ զոհված (մահացած) ծնող կամ եղբայր կամ քույր ունեցող, կամ ընտանիքի միակ արու զավակը հանդիսացող և ՀՀ զինված ուժերում կամ այլ զորքերում կամ ՀՀ միջազգային պայմանագրերով ՀՀ-ում տեղակայված օտարերկրյա պետությունների զինվորական ստորաբաժանումներում զինվորական ծառայության ընթացքում զոհված (մահացած) ծնող կամ եղբայր կամ քույր ունեցող քաղաքացին ազատվում է շարքային կազմի պարտադիր զինվորական ծառայությունից: 2022 թ. ապրիլի 12-ի փոփոխությամբ, փաստացի, վերոգրյալ քաղաքացուն տրվում է հնարավորություն իր դիմումի համաձայն հրաժարվել պարտադիր զինվորական ծառայությունից ազատվելու իրավունքից և գորակոչվել պարտադիր զինվորական ծառայության:

- 2022 թվականի հոկտեմբերի 5-ին ՀՀ ԱԺ կողմից ընդունվեց օրենք «Զինվորական ծառայության և զինծառայողի կարգավիճակի մասին» ՀՀ օրենքում փոփոխություններ և լրացումներ կատարելու մասին (ՀՕ-363-Ն³):

Օրենքի 21-րդ հոդվածը լրացվեց 5.1-ին և 5.2-րդ մասերով: Մասնավորապես՝ «Պարտադիր զինվորական ծառայությունից ազատվում է այն քաղաքացին, որը, որպես օտարերկրյա քաղաքացի, Հայաստանի Հանրապետության քաղաքացիություն է ձեռք բերել որևէ մարզաձևի՝ Հայաստանի Հանրապետության հավաքական թիմում (որևէ տարիքային խմբում) հանդես գալու համար և մինչև 2021 թվականի մայիսի 1-ը պարտադիր զինվորական ծառայությունից տարկետման իրավունքը կորցրել է:

5.2. Սույն հոդվածի 5.1-ին մասով պարտադիր զինվորական ծառայությունից ազատվելու համար քաղաքացին կամ համապատասխան ֆեդերացիան մինչև 2022

³ <https://www.arlis.am/DocumentView.aspx?docid=169377>



թվականի նոյեմբերի 1-ը դիմում է Հայաստանի Հանրապետության ֆիզիկական կուլտուրայի և սպորտի բնագավառի պետական կառավարման լիազոր մարմին, որը մեկամսյա ժամկետում պարզում է ներկայացրած փաստաթղթերի համապատասխանությունը սույն հոդվածի 5.1-ին մասին և միջնորդություն է ներկայացնում Հայաստանի Հանրապետության պաշտպանության նախարարություն, որը քաղաքացուն ազատում է պարտադիր զինվորական ծառայությունից՝ Հայաստանի Հանրապետության ֆիզիկական կուլտուրայի և սպորտի բնագավառի պետական կառավարման լիազոր մարմնի միջնորդությունն ստանալուց հետո՝ մեկամսյա ժամկետում:»

Սույն օրենքը գործել է մինչև 2023 թվականի հունվարի 31-ը:

- 2022 թվականի հոկտեմբերի 5-ին ՀՀ ԱԺ կողմից ընդունվեց օրենք «Զինվորական ծառայության և զինծառայողի կարգավիճակի մասին» ՀՀ օրենքում փոփոխություններ և լրացումներ կատարելու մասին (ՀՕ-364-Ն):⁴

Օրենքի 19-րդ հոդվածի 1-ին մասում՝ «27 տարին լրանալը,» բառերից հետո լրացվեց «իսկ սույն օրենքի 22-րդ հոդվածի 5-րդ և 7-րդ մասերով պարտադիր զինվորական ծառայության գորակոչից՝ գիտության և կրթության բնագավառներում տարկետում ստացած քաղաքացիները՝ մինչև 28 տարին լրանալը,» բառերով, իսկ «համապատասխանաբար 27» բառերից հետո՝ «28» թվով:»

Փոփոխությունը վերաբերում է ՀՀ կառավարության որոշմամբ գիտության և կրթության բնագավառում նշանակալի նվաճումներ ունեցող, մասնավորապես՝ բնագիտական, տեխնոլոգիական, ճարտարագիտական և մաթեմատիկական (ԲՏՃՄ) ուղղություններով պետության համար առաջնահերթ և կարևորություն ներկայացնող մասնագիտություններով համապատասխան բուհերում սովորող քաղաքացիներին

⁴ <https://www.arlis.am/DocumentView.aspx?docid=169380>

պարտադիր զինվորական ծառայության զորակոչից տարկետմանը՝ մինչև 28 տարին լրանալը, նախկինում գործող 27-ի փոխարեն:

- 2022 թ. դեկտեմբերի 8-ին ՀՀ ԱԺ կողմից ընդունվեց օրենք «Զինվորական ծառայության և զինծառայողի կարգավիճակի մասին» ՀՀ փոփոխություններ և լրացումներ կատարելու մասին (ՀՕ-532-Ն⁵):

Օրենքի 24-րդ հոդվածի 1-ին մասի 1-ին և 5-րդ կետերի «առաջին խմբի հաշմանդամություն ունեցող կամ երկրորդ խմբի հաշմանդամություն (որը սահմանվել է ինքնասպասարկման ապահովման ունակության առնվազն երկրորդ աստիճանի կենսագործունեության սահմանափակման հիմքով) ունեցող» բառերը փոխարինվեց «Ֆունկցիոնալության խորը աստիճանի սահմանափակումով հաշմանդամություն ունեցող կամ ֆունկցիոնալության ծանր աստիճանի սահմանափակումով հաշմանդամություն ունեցող (ֆունկցիոնալության գնահատման ինքնասպասարկման բաղադրիչի ծանր կամ խորը սահմանափակումների դեպքում)» բառերով:

Օրենքում «խեղումը» բառը հանվեց, իսկ «հաշմանդամ» բառը փոխարինվեց «հաշմանդամություն ունեցող անձ» բառերով:

Փաստացի, Օրենքում կատարվեցին իրավական ձևակերպումներին վերաբերող որոշակի փոփոխություններ:

- 2017 թվականի նոյեմբերի 15-ին ընդունված «Պաշտպանության մասին» ՀՀ օրենքը.⁶
- 2022 թ. դեկտեմբերի 8-ին ՀՀ ԱԺ կողմից ընդունվեց օրենք «Պաշտպանության մասին» ՀՀ օրենքում փոփոխություններ և լրացումներ կատարելու մասին (ՀՕ-334 -Ն⁷):

⁵ <https://www.arlis.am/DocumentView.aspx?docid=172219>

⁶ https://www.arlis.am/documentview.aspx?docid=144772&fbclid=IwAR2YNtgZoGAzTsYzhgXysWK7v6hNuhTGc1WB_NBHvKtEI1EvVMVgr_HDmnVY

⁷ <https://www.arlis.am/documentview.aspx?docid=166820>

Օրենքում գորակոչի, մասնավորապես գորահավաքային գորակոչին վերաբերող 29-րդ հոդվածի 2-րդ մասում՝ 4-րդ կետի «պատգամավոր է» բառերը փոխարինվեց «պատգամավոր կամ Հայաստանի Հանրապետության կառավարության անդամ կամ դատավոր կամ Կենտրոնական ընտրական հանձնաժողովի անդամ է, ինչպես նաև Մարդու իրավունքների պաշտպանը.» բառերով:

Այսինքն՝ գորահավաքային գորակոչի ոչ ենթակա քաղաքացիների ցանկում ավելացվեցին նաև ՀՀ կառավարության անդամները, դատավորները, Կենտրոնական ընտրական հանձնաժողովի անդամները, ինչպես նաև Մարդու իրավունքների պաշտպանը:

- *2018 թվականի ապրիլի 12-ի ՀՀ կառավարության «Զինվորական ծառայության համար քաղաքացու կամ զինծառայողի պիտանիության աստիճանը որոշող հիվանդությունների ցանկը, ինչպես նաև քաղաքացու կամ զինծառայողի առողջական վիճակին հակացուցված զինվորական ծառայության պայմանները սահմանելու մասին» 404 որոշումը⁸.*
- *2022 թ. դեկտեմբերի 12-ին ՀՀ կառավարության կողմից ընդունվեց որոշում՝ «Հայաստանի Հանրապետության կառավարության 2018 թվականի ապրիլի 12-ի N 404-ն որոշման մեջ փոփոխություններ կատարելու մասին (N 2053-Ն)»:*

Որոշմամբ ներդրվեցին նոր ու ժամանակակից չափելիության սանդղակներ, որոշ հետազոտություններ դարձան պարտադիր, ինչի մասին Կազմակերպությունը բազմիցս առաջարկներ է ներկայացրել ՀՀ Պաշտպանության նախարարությանը: Ներկայումս որոշմամբ սահմանված ախտորոշումները համապատասխանեցված են Հիվանդությունների միջազգային դասակարգման (ՀՄԴ) 10-րդ վերանայմանը¹⁰ (2019): **Նշենք, որ դեռևս 2019 թվականից սկսած ՀՔԱ Վանաձորի գրասենյակը առաջարկում էր ՀՀ**

⁸ <https://www.arlis.am/DocumentView.aspx?DocID=132970>

⁹ <https://www.arlis.am/DocumentView.aspx?docid=172242>

¹⁰ <https://icd.who.int/browse10/2019/en#/F20-F29>



կառավարության 2018 թ. 404-Ն որոշմամբ սահմանվող հիվանդությունները համապատասխանեցնել Հիվանդությունների միջազգային 10-րդ դասակարգմանը: Այդ նպատակով Կազմակերպությունը բազմիցս հանդիպումներ է ունեցել շահագրգիռ պետական մարմինների ներկայացուցիչների հետ՝ բարձրացնելով խնդրի կարևորությունը: Կազմակերպության տարիներ ձգվող ջանքերի, կատարած աշխատանքի, ջատագովության արդյունքում 2023 թ. ուժի մեջ մտած փոփոխություններով որոշմամբ սահմանված ախտորոշումները համապատասխանեցվեցին Հիվանդությունների միջազգային 10-րդ դասակարգմանը:

Զնայած իրականացրած փոփոխությունները դրական են, այնուամենայնիվ առկա են մի քանի ընդհանուր բնույթի և կոնկրետ հոդվածներին առնչվող խնդիրներ, որոնց վերաբերյալ Կազմակերպությունը իրականացրել էր դիտարկումներ և մշակել էր առաջարկներ՝ ներկայացնելով դրանք ՀՀ պաշտպանության նախարարությանը: Այնուամենայնիվ, դրանց մեծ մասը չի ընդունվել ՀՀ պաշտպանության նախարարության կողմից տարբեր հիմնավորումներով:

Այսպես, ներկայացնենք Կազմակերպության կողմից արձանագրած խնդիրները որոշմամբ սահմանված ձևակերպումների համատեքստում:

- Զինվորական ծառայության համար քաղաքացու կամ զինծառայողի պիտանիության աստիճանը որոշող հիվանդությունների ցանկում կիրառվում են այնպիսի արտահայտություններ՝ ինչպիսիք են՝ «ձգձգվող» կամ «բուժմանը դժվար ենթարկվող» հասկացությունները, որոնց միջոցով դժվար է գնահատել ժամանակահատվածը: ՀՔԱ Վանաձորի գրասենյակն առաջարկել էր **հստակեցնել «ձգձգվող» կամ «բուժմանը դժվար ենթարկվող» հասկացությունները և սահմանել կոնկրետ ժամկետներ** կամ ժամանակահատվածներ ըստ յուրաքանչյուր հիվանդության՝ ելնելով հիվանդության ախտորոշման համար անհրաժեշտ ժամանակից: Առաջարկությունը չի ընդունվել ՀՀ ՊՆ կողմից այն հիմնավորմամբ, որ բուժման գործընթացում յուրաքանչյուր



հիվանդության բուժման և ելքի համար գործնականում հնարավոր չէ որևէ ժամկետ սահմանել:

- «Կակազության դեպքում փորձաքննվողը ենթարկվում է հիմնավոր հետազոտության՝ ներառելով նյարդաբանի, հոգեբույժի և քիթկոկորդականջաբանի (նաև՝ լոգոպեդի) խորհրդատվությունը»: Կազմակերպության պրակտիկայից ելնելով՝ ՀՔԱ Վանաձորի գրասենյակի կողմից առաջարկվել էր, որ կակազության դեպքում բացի նյարդաբանի, հոգեբույժի և քիթկոկորդականջաբանի ներգրավումը, փորձաքննության ժամանակ անհրաժեշտ է **ներառել լոգոպեդի պարտադիր մասնակցությունը** և բացառել տվյալ մասնագետի ներգրավումը որպես հայեցողական մոտեցում:

Չնայած ՀՀ պաշտպանության նախարարության գորակոչային և գորահավաքային համալրման ծառայության կողմից Կազմակերպությանը գրավոր տեղեկացվել է, որ սույն առաջարկն ընդունվել և ներառվել է որոշման նախագծում, սակայն 2022 թ. դեկտեմբերի 22-ին ընդունված և 2023 թ. փետրվարի 1-ից ուժի մեջ մտած փոփոխություններում այն չի արտացոլված:

- 78-րդ հոդվածով սահմանվում է, որ աչքի ծակոդ-թափանցող վնասվածքների կապակցությամբ վիրահատության ենթարկված գորակոչիկները լիարժեք բուժումից և վերականգնումից հետո ճանաչվում են սահմանափակումով պիտանի զինվորական ծառայության համար, անկախ տեսողության սրությունից և կիրառվում է 85-րդ հոդվածի «գ» կետը: Տվյալ հոդվածը անհասկանալի է այն առումով, որ այն դեպքերում, երբ վնասվածքից հետո անձը ստացել է լիարժեք բուժում, սակայն, **տեսողության սրությունը տուժել է, ապա անհասկանալի է, թե այդ պարագայում ըստ որ հոդվածի է փորձաքննվում**, այն դեպքում, երբ 78-րդ հոդվածը բացառում է տեսողության սրությամբ փորձաքննումը, և փորձաքննությունը սահմանվում է ըստ 85-րդ հոդվածի: Կազմակերպությունը առաջարկել է հստակեցնել հոդվածը: Առաջարկությունը չի ընդունվել ՀՀ ՊՆ կողմից այն հիմնավորմամբ, որ անհրաժեշտ է 78-րդ և 85-րդ հոդվածների «գ» կետերի սահմանափակումների կիրառումը՝ հավելելով, որ նույնիսկ հնարավոր բարձր



տեսողության սրությունը մթնշաղային և գիշերային ժամերին զգալի տուժում է, որը, ըստ ՀՀ ՊՆ-ի, հիմնավոր է դարձնում 85-րդ հոդվածի «գ» կետի կիրառումը:

- Որոշմամբ սահմանված է, որ «Գործառույթային բնույթի, առանց կլինիկական դրսևորումների, անցողիկ, եզակի նախասիրտ-փորոքային հաղորդչականության I-II աստիճանի մասնակի պաշարումները և սինո-աթրիալ II աստիճանի մասնակի պաշարումները փորձաքննվում են «դ» կետով»: Վերոգրյալի հիման վրա Կազմակերպությունն առաջարկել է **վերանայել այս հոդվածը, քանի որ II աստիճանի պաշարումը չի կարող լինել մասնակի և անցողիկ**: Անցողիկ, եզակի առաջին աստիճանի պաշարումը կարող է լինել ֆիզիոլոգիական՝ դեռահաս, երիտասարդ տարիքում: Առաջարկությունը չի ընդունվել ՀՀ ՊՆ կողմից այն հիմնավորմամբ, որ «II աստիճանի պաշարումը իհարկե չի կարող լինել մասնակի, բայց կարող է լինել անցողիկ: Առաջին աստիճանի պաշարումը կարող է լինել ֆիզիոլոգիական՝ դեռահաս, երիտասարդ տարիքում», որն ընդգրկված է որոշման մեջ և ձևակերպված է որպես «Գործառույթային բնույթի, առանց կլինիկական դրսևորումների անցողիկ, եզակի առաջին աստիճանի պաշարումներ», որը, ըստ ՀՀ ՊՆ-ի ավելի մանրամասն է ներկայացնում և թույլ է տալիս տարբերակել վերը նշված պաշարումների ֆիզիոլոգիական կամ պաթոլոգիկ լինելը:

Ներկայացնենք ՀՀ կառավարության 2018 թ. N 404-Ն որոշման մեջ 2022 թ. դեկտեմբերի 22-ին փաստացի կատարված և 2023 թ. փետրվարի 1-ից ուժի մեջ մտած փոփոխությունները.

Կատարվել է փոփոխություն «Հիվանդությունների և ֆիզիկական թերությունների անվանման» մեջ: Այժմ հիվանդությունների ախտաբանական վիճակների անվանումները դասակարգվում են ըստ ՀՄԴ (հիվանդությունների միջազգային դասակարգման) **ծածկագրերի, գործառույթների խանգարումների աստիճանների: Ինչպես արդեն նշվեց, սույն փոփոխությունը կարող ենք համարել Կազմակերպության տարիներ ձգվող ջանքերի, կատարած աշխատանքի, ջատագովության արդյունքը:**



- Բացի այդ՝ կատարվել են փոփոխություններ «Հիվանդությունների և ֆիզիկական թերությունների ցանկի» սյունակների դասակարգման մեջ:

Այսպես, եթե որոշման Հավելված 1-ի ցանկի I սյունակը նախկինում վերաբերում էր «Զորակոչային տեղամասերին կցագրվող քաղաքացիներին, զորակոչիկներին, ժամկետային պարտադիր զինվորական ծառայության շարքային կազմին», ապա 2023 թ. ուժի մեջ մտած փոփոխությամբ **I սյունակով փորձաքննվում են «Զինվորական հաշվառման ենթակա քաղաքացիները, սահմանված ժամկետում հաշվառման չկանգնած զորակոչային տարիքի քաղաքացիները, պարտադիր զինվորական ծառայության շարքային կազմի զորակոչի ենթակա քաղաքացիները, «Զինվորական ծառայության և զինծառայողի կարգավիճակի մասին» օրենքի 23-րդ հոդվածի 2-րդ և 3-րդ մասերի համաձայն պարտադիր զինվորական ծառայությունից ազատված և պահեստագործում հաշվառված քաղաքացիները, զինվորական ծառայության ընթացքում առողջական վիճակի պատճառով ոչ պիտանի ճանաչված և օրենքի 29-րդ հոդվածի 4-րդ մասի համաձայն շարքային կազմի պարտադիր զինվորական ծառայությունից արձակված և պահեստագործում հաշվառված քաղաքացիները, ՌՌԻՀ-երում (ԲՌԻՀ-երում) ուսանելու համար ոչ պիտանի ճանաչված կուրսանտները (սպայական կոչում չունեցող ունկնդիրներ, ուսանողներ)»:**

ՌՌԻՀ ընդունվողները, ՌՌԻՀ-երի, ինչպես նաև ՀՀ ՊՆ հետ կնքված քաղաքացիաիրավական բնույթի պայմանագրով ԲՌԻՀ-երի՝ առաջին և երկրորդ կուրսերի կուրսանտները (սովորողներ) նախկինում փորձաքննվում էին II սյունակով:

Կատարված փոփոխությամբ **II սյունակով փորձաքննվում են միայն պարտադիր զինվորական ծառայության շարքային և կրտսեր ենթասպայական կազմերի զինծառայողները, որոնք նախկինում ներառված էին I սյունակում՝ զորակոչային տեղամասերին կցագրվող քաղաքացիների, զորակոչիկների հետ միասին:**

III սյունակը նախկինում վերաբերում էր բոլոր կազմերի պայմանագրային, ժամկետային պարտադիր զինվորական ծառայության սպայական կազմի



զինձառայողներին, ՌՌԻՀ-երի, ինչպես նաև ՀՀ պաշտպանության նախարարության հետ կնքված քաղաքացիա-իրավական բնույթի պայմանագրով ԲՌԻՀ-երի՝ սկսած երրորդ կուրսից՝ կուրսանտներին (սովորողներ): Մինչդեռ կատարված փոփոխությամբ **III սյունակով փորձաքննվում են ՌՌԻՀ-երում ուսանելու համար դիմած քաղաքացիները, բարձրագույն ուսումնական հաստատություններում բակալավրի կամ դիպլոմավորված մասնագետի կամ ինտեգրացված կրթական ծրագրով առկա ուսուցմամբ սովորելու համար դիմած քաղաքացիները, Պաշտպանության նախարարության հետ ուսումնառության ընթացքում զինվորական պատրաստություն անցնելու և ուսումնառության ավարտից հետո Պաշտպանության նախարարության կողմից նշված վայրում և պայմաններով զինվորական ծառայություն անցնելու քաղաքացիաիրավական բնույթի պայմանագիր կնքելու համար դիմած քաղաքացիները:**

IV սյունակով նախկինում փորձաքննվում էին ՌՆ, ԻՃ ալ աղբյուրների, ՀՎԲՄ, ԷՄԴ ստեղծող սարքերի հետ աշխատող զինձառայողներին և այդպիսի աշխատանքի ընդունվողները: Մինչդեռ կատարված փոփոխությամբ նշված խմբերը փորձաքննվում են **VI սյունակով:** Իսկ **IV սյունակով**, ըստ նոր փոփոխությունների փորձաքննվում են **պահեստագործի սպայական կազմի պարտադիր զինվորական ծառայության գորակոչի** ենթակա քաղաքացիները, «Զինվորական ծառայության և զինձառայողի կարգավիճակի մասին» օրենքի 23-րդ հոդվածի 6-րդ և 7-րդ մասերի համաձայն պարտադիր զինվորական ծառայությունից ազատված և պահեստագործում հաշվառված, ինչպես նաև զինվորական ծառայության ընթացքում առողջական վիճակի պատճառով ոչ պիտանի ճանաչված և օրենքի 29-րդ հոդվածի 4-րդ մասի համաձայն պահեստագործի սպայական կազմի պարտադիր զինվորական ծառայությունից արձակված և պահեստագործում հաշվառված քաղաքացիներին:

V սյունակով, ըստ կատարված փոփոխությունների, փորձաքննվում են բոլոր կազմերի **պայմանագրային զինվորական ծառայություն անցնելու համար դիմած քաղաքացիները**, բոլոր կազմերի պայմանագրային զինձառայողները, **պահեստագործի**



սպայական կազմի պարտադիր զինվորական ծառայության զինծառայողները, ՌՌԻՀ-երի կուրսանտները (սպայական կոչում չունեցող ունկնդիրներ, ուսանողներ), բարձրագույն ուսումնական հաստատություններում բակալավրի կամ դիպլոմավորված մասնագետի կամ ինտեգրացված կրթական ծրագրով առկա ուսուցմամբ սովորողները, Պաշտպանության նախարարության հետ ուսումնառության ընթացքում զինվորական պատրաստություն անցնելու և ուսումնառության ավարտից հետո Պաշտպանության նախարարության կողմից նշված վայրում և պայմաններով զինվորական ծառայություն անցնելու քաղաքացիաիրավական բնույթի պայմանագիր կնքած քաղաքացիները, վարժական հավաքների ներգրավվող քաղաքացիները, գորահավաքային գորակոչի ենթակա քաղաքացիները:

• Բացի նշված փոփոխություններից, 2023 թ ուժի մեջ մտած փոփոխությամբ եզրակացությունների վերաբերյալ ձևակերպումները ևս փոխվեցին. այժմ պիտանիության մասին ձևակերպումները լատինատառ են «A, B, C, D, E, F, G, H, I, J»: Մասնավորապես՝ սահմանվում է, հետևյալը.

A. պիտանի է զինվորական ծառայության համար,

B. սահմանափակումով պիտանի է զինվորական ծառայության համար,

C. կարիք ունի բուժման,

D. կարիք ունի ծառայողական պարտականություններից մասնակի ազատման՝ մինչև 15 օր ժամկետով կամ արձակուրդ հիվանդության պատճառով (վերականգնողական),

E. ժամանակավորապես ոչ պիտանի է զինվորական ծառայության համար,

F. ոչ պիտանի է զինվորական ծառայության համար,

G. պիտանի է ռազմաուսումնական հաստատությունում ուսանելու համար,

H. ոչ պիտանի է ռազմաուսումնական հաստատությունում ուսանելու համար,

I. ենթակա է կանչվելու վարժական հավաքի,

J. ենթակա չէ կանչվելու վարժական հավաք:



Անդրադառնանք ՀՀ կառավարության 2018 թ. N 404-ն որոշման հավելվածում կոնկրետ հիվանդությունների փորձաքննության և պիտանիության որոշման կարգի մեջ կատարված բովանդակային որոշ փոփոխություններին:

- Այսպես, որոշման **5-րդ հոդվածը** («Սուր և անցողիկ փսիխոտիկ խանգարումներ) հստակեցվեց, մասնավորապես, եթե նախկինում «ձգձգվող ընթացքով, երկարատև բուժում պահանջող» և «ռեմիսիայի բացակայությամբ ընթացող» դեպքերը փորձաքննվում էին առանձին «ա» և «բ» կետերով և առաջին դեպքում գորակոչիկները ճանաչվում էին ոչ պիտանի, իսկ երկրորդ դեպքում ժամանակավորապես ոչ պիտանի զինժառայության համար, ապա այժմ դրանք միավորվել են հոդվածի «ա» կետում՝ «ձգձգվող ընթացքով, երկարատև բուժման ֆոնի վրա» ձևակերպմամբ և այդ կետով փորձաքննվող գորակոչիկները ճանաչվում են ոչ պիտանի զինժառայության համար:

Նույն հոդվածի «գ» կետը՝ «կարճատև և բարենպաստ ընթացքով դեպքեր», որի դեպքում գորակոչիկներին նախկինում տրամադրվում էր տարկետում բուժման նպատակով, ևս հստակեցվել է «բ» («կարճատև և բարենպաստ ընթացքով դեպքեր բուժումից հետո, որոնք ավարտվում են լավացումով կամ թեթև ասթենիզացմամբ») և «գ» («կարճատև և բարենպաստ ընթացքով դեպքեր (բուժում կամ դիտարկումպահանջող») առանձին կետերի շնորհիվ, և արդյունքում «բ» կետով փորձաքննվելիս գորակոչիկներին տրամադրվում է տարկետում բուժման նպատակով, «գ» կետով փորձաքննվելիս՝ գորակոչիկները ճանաչվում են սահմանափակումով պիտանի զինվորական ծառայության համար:

- Որոշման **6-րդ հոդվածում** («Ախտանշանային և այլ հոգեկան խանգարումներ») կատարվեց հստակեցում, մասնավորապես՝ նախկինում գործոգ որոշման «բ» կետը՝ «թեթև արտահայտված կարճատև փսիխոտիկ և ոչ փսիխոտիկ խանգարումներ, որոնք ավարտվում են լավացումով կամ թեթև ասթենիզացմամբ», որով փորձաքննվելիս

գորակոչիկներին նախկինում տրամադրվում էր տարկետում բուժման նպատակով, հստակեցվեց նոր՝ «բ» («թեթև արտահայտված կարճատև փսիխոտիկ և ոչ փսիխոտիկ խանգարումներ (բուժում կամ դիտարկում պահանջող)») և «գ» («թեթև արտահայտված կարճատև փսիխոտիկ և ոչ փսիխոտիկ խանգարումներ, որոնք ավարտվում են լավացումով կամ թեթև ասթենիզացմամբ») կետերով՝ առաջին դեպքում սահմանելով տարկետում՝ բուժման նպատակով, երկրորդ դեպքում սահմանվում է սահմանափակումով պիտանիություն:

- Որոշման **9-րդ հոդվածի** («Հոգեկան և վարքային խանգարումներ հոգեակտիվ նյութերի գործածման հետևանքով») «բ» կետով «սուր փսիխոտիկ խանգարումներ՝ անձի չափավոր կամ թեթև արտահայտված փոփոխություններով, կախվածության համախտանիշ, դադարեցման վիճակներ և այլ բարդություններ, վնասակար հետևանքներ (սոմատիկ և հոգեկան)՝ հոգեակտիվ նյութերի գործածման հետևանքով» գորակոչիկին նախկինում տրամադրվում էր տարկետում՝ բուժման նպատակով, այժմ գորակոչիկը ճանաչվում է ժամանակավորապես ոչ պիտանի զինվորական ծառայության համար:

- Որոշման **23-րդ հոդվածի** («Տուբերկուլոզ») «բ» կետով «ակտիվ՝ առանց միկրոբակտերիայի արտազատման և քայքայման» փորձաքննվելիս գորակոչիկը նախկինում ճանաչվում էր ոչ պիտանի զինվորական ծառայության համար, մինչդեռ այժմ, երբ կետը լրացվել է «ինչպես նաև վիրահատության հետևանքները և սպիական փոփոխությունները՝ օրգան համակարգերի գործառույթի չափավոր խանգարումով» ձևակերպմամբ՝ գորակոչիկը ճանաչվում է ժամանակավորապես ոչ պիտանի զինվորական ծառայության համար:

- Որոշման **48-րդ հոդվածի** («Աորտայի, մագիստրալ, պերիֆերիկ անոթների, ավշային անոթների հիվանդություններ, բնածին արատներ, վնասումների հետևանքներ և հետվիրահատական վիճակներ») «ա» կետով՝ «արյան կամ ավշային շրջանառության և/կամ օրգանների կամ վերջույթների գործառույթների զգալի արտահայտված խանգարու-

մով» փորձաքննվելիս գորակոչիկը նախկինում ճանաչվում էր ժամանակավորապես ոչ պիտանի զինվորական ծառայության համար, այժմ ճանաչվում է ոչ պիտանի:

Նույն հոդվածի «բ» կետով «արյան կամ ավշային շրջանառության և օրգանների կամ վերջույթների գործառույթների չափավոր արտահայտված խանգարումով» փորձաքննվելիս գորակոչիկին տրամադրվում էր տարկետում՝ բուժման նպատակով, այժմ գորակոչիկը ճանաչվում է ժամանակավորապես ոչ պիտանի զինծառայության համար:

Նույն հոդվածի «գ» կետով՝ «արյան կամ ավշային շրջանառության և օրգանների կամ վերջույթների գործառույթների աննշան արտահայտված խանգարումով» փորձաքննվելիս գորակոչիկը նախկինում ճանաչվում էր պիտանի զինծառայության համար, այժմ՝ սահմանափակումով պիտանի զինծառայության համար:

- Որոշման **57-րդ հոդվածի** («Ամորձու թաղանթների և սերմնալարի ջրգողություն» «ա» կետով՝ «խիստ արտահայտված, քայքքը դժվարացնող» գորակոչիկին նախկինում տրվում էր տարկետում բուժման նպատակով, այժմ գորակոչիկը ճանաչվում է ժամանակավորապես ոչ պիտանի զինծառայության համար:

- Որոշման **58-րդ հոդվածի** («Ամորձիների բացակայություն») «բ» կետով «մեկ ամորձու բացակայություն՝ տեղակայումը որովայնի խոռոչում, աճուկային խողովակում կամ դրա արտաքին անցքում, առանց խանգարումների» փորձաքննվող գորակոչիկը նախկինում ճանաչվում էր պիտանի զինվորական ծառայության համար, այժմ «երկու ամորձու տեղակայում որովայնի խոռոչում կամ բացակայությունը, միակ ամորձի» ախտորոշմամբ գորակոչիկը ճանաչվում է ոչ պիտանի զինվորական ծառայության համար:

Այսպիսով, ամփոփելով ՀՀ կառավարության 2018 թվականի ապրիլի 12-ի N 404-Ն որոշմամբ կատարված փոփոխությունները, կարող ենք արձանագրել, որ ՀՀ կառավարության 2018 թ. N 404-Ն որոշման մեջ կատարված փոփոխությունները դրական են այն իմաստով, որ

- ✓ հիվանդությունների դասակարգումները համապատասխանեցված են ներկայումս գործող Հիվանդությունների միջազգային դասակարգման տասներորդ վերանայման դասակարգումներին,
- ✓ որոշ դեպքերում պիտանիության աստիճանը որոշող դրույթներում հաշվի է առնվում գորակոչիկի կամ զինծառայողի առողջական վիճակը,
- ✓ ըստ կարգավիճակի՝ անձանց փորձաքննության սյունակներն այժմ առավել հստակ են դասակարգված ըստ առանձին խմբերի:

ՀՀ կառավարության 2018 թ. N 404-Ն որոշման մեջ կատարված փոփոխությունները քացասական են այն իմաստով, որ

- ✓ սահմանված չեն հստակ ժամկետներ՝ ժամանակ ենթադրող որոշ հասկացությունների համար՝ «ձգձգվող», «բուժմանը դժվար ենթարկվող»,
- ✓ որոշ դեպքերում պիտանիության աստիճանը որոշող դրույթներում կատարված փոփոխություններով հաշվի չեն առնվում առողջական խնդիրների ծանրության աստիճանը,
- ✓ հստակեցված չեն որոշ հոդվածների սահմանումներն ու որոշ առողջական խնդիրների դեպքում փորձաքննության հոդվածները:

- *2018 թվականի ապրիլի 12-ի ՀՀ կառավարության «Քաղաքացու առողջական վիճակի հետազոտման և բժշկական փորձաքննության, հետազոտման և փորձաքննության ուղեգրման կարգերը, հետազոտում և բժշկական փորձաքննություն իրականացնող մարմինները և դրանց գործունեության կարգը, փորձաքննության եզրակացությունների ձևերը, բժշկական հետազոտությունների և բժշկական հաստատությունների ցանկերը, իրականացված ծառայությունների դիմաց փոխհատուցման կարգը սահմանելու*

և Հայաստանի Հանրապետության կառավարության մի շարք որոշումներ ուժը կորցրած ճանաչելու մասին» N 405 որոշումը¹¹:

- 2022 թ. դեկտեմբրի 22-ին ՀՀ կառավարությունն ընդունեց որոշում ՀՀ կառավարության 2018 թվականի ապրիլի 12-ի N 405-Ն որոշման մեջ փոփոխություններ և լրացում կատարելու մասին:

2022 թ. մարտի 18-ին ՀՀ արդարադատության նախարարության իրավական ակտերի նախագծերի հրապարակման միասնական կայքում հանրային քննարկման դրվեց ՀՀ պաշտպանության նախարարության կողմից մշակված ՀՀ կառավարության 2018թ. ապրիլի 12-ի N 405-Ն որոշման մեջ փոփոխություններ ու լրացում կատարելու մասին ՀՀ կառավարության նախագիծը¹²:

Համաձայն նախագծի՝ նախատեսվում էր **Կենտրոնական բժշկական հանձնաժողովի** կազմում ընդգրկել նաև ՀՀ պաշտպանության նախարարության և զինվորական կոմիսարիատի ներկայացուցիչների, որոնք գործող որոշման հավելվածի համաձայն ընդգրկված չեն ԿԲՀ-ի կազմում: Մասնավորապես՝ Նախագծի հավելվածի 16-րդ կետի համաձայն՝ «ԿԲՀ-ի կազմում ընդգրկվում են հանձնաժողովի նախագահը և տեղակալը՝ ՀՀ պաշտպանության և առողջապահության նախարարությունների ներկայացուցիչներ, ավագ բժիշկը՝ ՀՀ ԶԿ գլխավոր բժիշկը (ըստ անհրաժեշտության), (...): Նախագծի «Հիմնավորումներ» բաժնի ուսումնասիրությունը ցույց տվեց, որ Նախագծի հավելվածի 16-րդ կետում նման փոփոխություն կատարելու անհրաժեշտությունը որևէ ձևով չի հիմնավորվել, ավելին, Նախագիծը որևէ դրույթ չի պարունակում ԿԲՀ-ի կազմում ՀՀ պաշտպանության նախարարության և զինվորական կոմիսարիատի ներկայացուցիչներին ընգրկելու անհրաժեշտության, գործող կարգավորումների փոփոխման իրավական, փաստական և այլ հիմքերի մասին: Նախագծով առաջարկվող փոփոխությունը, ըստ կազմակերպության, չի կարող ապահովել ԿԲՀ-ի գործառնական օբյեկտիվությունը, հաշվի

¹¹ <https://www.arlis.am/DocumentView.aspx?DocID=121636>

¹² <https://www.e-draft.am/projects/4112/about>



առնելով այն հանգամանքը, որ վերջինիս գործունեությունն ուղղված է զինապարտության կատարման ապահովմանը (զինապարտ քաղաքացիների առողջական վիճակի հետազոտություն և բժշկական փորձաքննություն): Հաշվի առնելով ԿԲՀ-ի դերն ու իրականացրած գործառնությունների բնույթը՝ Կազմակերպությունը գտնում է, որ **նպատակահարմար չէ վերջինիս կազմում ընդգրկել պաշտպանության ոլորտի քաղաքականություն իրականացնող մարմինների ներկայացուցիչների**, և ըստ այդմ ՀՀ պաշտպանության նախարարությանը **առաջարկեց գործընթացի կազմակերպմանը ներգրավել միայն այդ համակարգից դուրս այլ մարմիններին ու դրանց ներկայացուցիչներին՝ խուսափելու համար շահերի բախումից**: Առաջարկությունը ՀՀ ՊՆ կողմից չընդունվեց այն հիմնավորմամբ, որ ԿԲՀ կազմում ՀՀ ՊՆ զինվորական կոմիսարիատի ներկայացուցիչների ընդգրկումը պայմանավորված է հանձնաժողովի նիստերը պլանավորելու և ՀՀ ՊՆ զորակոչային և զորահավաքային համալրման ծառայության համապատասխան տարածքային ստորաբաժանումներում կազմակերպելու, փորձաքննության ներկայացվող քաղաքացիների վերաբերյալ անհրաժեշտության դեպքում տարածքային ստորաբաժանումներից լրացուցիչ տվյալներ և փաստաթղթեր ստանալու, ինչպես նաև պաշտպանության նախարարին կամ հանձնաժողովի նախագահին հասցեագրված դիմում բողոքները քննարկելու և համապատասխան ընթացք տալու աշխատանքները համակարգելու հանգամանքով: Սույն մեկնաբանությունը, սակայն, ընդունելի չէ Կազմակերպության համար:

Նախագծի հավելվածի 16-րդ կետի համաձայն՝ «ԿԲՀ-ի անդամ չի կարող նշանակվել սույն որոշման 15-րդ և 81-րդ կետերով սահմանված հանձնաժողովների անդամ հանդիսացող անձը»: Առաջարկվող փոփոխության ընդունվելու դեպքում որպես ԿԲՀ-ի անդամ կարող են նշանակվել նաև այլ բժշկական կամ ռազմաբժշկական հանձնաժողովի անդամները, բացառությամբ զինկոմիսարիատների բժշկական և Կենտրոնական ռազմաբժշկական հանձնաժողովների անդամների, ինչը խնդրահարույց է և կրկին չի



ապահովելու զինապարտ քաղաքացիների առողջական վիճակի հետազոտության և բժշկական փորձաքննության օբյեկտիվությունը՝ հաշվի առնելով վերը նշված պնդումները:

ՀՔԱ Վանաձորի գրասենյակի կողմից առաջարկվեց ԿԲՀ-ի կազմում ընդգրկվող անձանց ցանկը թողնել անփոփոխ, այն է՝ հանձնաժողովի նախագահը, տեղակալը (բժիշկ), անդամները՝ թերապևտ, սրտաբան, վիրաբույժ, վնասվածքաբան, նյարդաբան, հոգեբույժ, ակնաբույժ, մաշկաբան, օտոլարինգոլոգ (ՀՀ առողջապահության նախարարի ներկայացրած թեկնածուն), համակարգչային օպերատոր ու քարտուղար: Նաև թողնել անփոփոխ նախորդ որոշմամբ սահմանված դրույթն այն մասին, որ ԿԲՀ-ի անդամ չի կարող նշանակվել սույն կարգով սահմանված այլ բժշկական կամ ռազմաբժշկական հանձնաժողովի անդամ նշանակված անձը: **Առաջարկությունն ընդունվեց ՀՀ ՊՆ կողմից:**

Նախագծի հավելվածի 35-րդ կետի համաձայն՝ «Բժշկական կազմակերպությունը պարտավոր է քաղաքացուն կամ նրա օրինական ներկայացուցչին կամ նրա կողմից լիազորված անձին տրամադրել տեղեկություններ առողջական վիճակի, հետազոտությունների արդյունքների, հիվանդության ախտորոշման և բուժման մեթոդների, դրանց հետ կապված ռիսկի, բժշկական միջամտության հնարավոր տարբերակների, հետևանքների և բուժման արդյունքների մասին»: Առաջարկվող կարգավորումը բովանդակային որևէ փոփոխություն չէր նախատեսում գործող որոշմամբ սահմանված կարգավորումներում: Մինչդեռ, ինչպես նախկինում գործող, այնպես էլ առաջարկվող փոփոխությամբ հստակ չէ, թե բուժհաստատությունն ինչ եղանակով, ինչ կարգով, ինչ ծավալով և ինչ ժամկետներում է պարտավոր զինապարտ քաղաքացուն կամ վերջինիս ներկայացուցչին տրամադրել տեղեկություններ, որի հետևանքով պրակտիկայում բուժհաստատությունները հաճախ կամ չեն տրամադրում առողջական վիճակի վերաբերյալ տեղեկություններ կամ դրանք տրամադրելու դիմաց պահանջում են կատարել վճարումներ, ինչը իրավաչափ չէ և խախտում է անձի տեղեկատվություն ստանալու միջազգային-իրավական փաստաթղթերով և ՀՀ Սահմանադրությամբ երաշխավորված իրավունքը: ՀՔԱ Վանաձորի գրասենյակի կողմից առաջարկվեց, որ անձի կողմից իր

առողջական վիճակի վերաբերյալ պահանջվող տեղեկությունները բժշկական կազմակերպությունը պարտավոր է տրամադրել անվճար և գրավոր կարգով՝ առավելագույնը 5-օրյա ժամկետում (հիմք ընդունելով գորակոչի ժամկետային սահմանափակումը): Սույն առաջարկն արդիական է նաև Նախագծի հավելվածի 42-րդ և 63-րդ կետերի, 117-րդ կետի 5-րդ ենթակետի համար՝ մասնավորապես զինվորական հաշվառման ենթակա քաղաքացիների, պարտադիր զինվորական ծառայության գորակոչի ենթակա քաղաքացիների բժշկական և զինծառայողների (նրանց հավասարեցված անձանց) ռազմաբժշկական փորձաքննության համար: **Առաջարկությունն ընդունվեց ՀՀ ՊՆ կողմից:** Մասնավորապես՝ 2022 թ ընդունված փոփոխությամբ սահմանվեց, որ «...Սույն կետում նշված տվյալները քաղաքացուն կարող են հասանելի լինել նաև էլեկտրոնային առողջապահության ԱՐՄԵԴ համակարգի միջոցով»:

Նախագծով սահմանվում էր. «Այն գորակոչիկները, որոնք հայտարարված գորակոչի ընթացքում հետազոտությունների արդյունքում ճանաչվում են պիտանի զինվորական ծառայությանը սահմանափակումով սահմանափակումներ նախատեսող հինգ և ավելի հոդվածներով, ճանաչվում են բուժման կարիք ունեցող և նրանց տրվում է տարկետում մեկ անգամ մինչև մեկ տարի ժամկետով՝ բուժման և/կամ դիտարկման նպատակով: Տարկետման ավարտից հետո առողջական նույն վիճակի պահպանման պարագայում, գորակոչիկները ճանաչվում են պիտանի զինվորական ծառայությանը սահմանափակումով՝ ծառայության հեշտացված օրվա կարգացուցակով»: Միաժամանակ, համաձայն Նախագծի հավելվածի 115-րդ կետի՝ «Ծառայության ընթացքում ձեռք բերած հիվանդությունների արդյունքում, ԿՌԲՓԿ որոշմամբ հինգ և ավելի սահմանափակում նախատեսող հոդվածներ ունեցող ժամկետային պարտադիր ծառայության շարքային կազմի զինծառայողները ճանաչվում են պիտանի զինվորական ծառայությանը սահմանափակումով՝ ծառայության հեշտացված օրվա կարգացուցակով»:



ՀՔԱ Վանաձորի գրասենյակի դիտարկմամբ՝ վերը նշված երկու դրույթները ևս Նախագծի հավելվածով բովանդակային փոփոխության չեն ենթարկվել: Դեռևս 2020 թ. Կազմակերպությունը, անդրադառնալով այս իրավակարգավորմանը, արձանագրել էր, որ գործնականում ի հայտ են գալիս մի շարք խնդիրներ: Այսպես, խնդիրներ կարող են ծագել մի քանի առողջական խնդիրներ ունեցող զինապարտների տարկետման իրավունքի իրացման հարցում: Ըստ ՀՀ կառավարության 2018 թ. 405-Ն որոշման շեմ է սահմանվել 5 և ավելի հիվանդության առկայությունը՝ շեշտը դնելով միայն հիվանդությունների քանակի վրա, այլ ոչ թե զուգահեռաբար մի քանի հիվանդության պարագայում ծանրաբեռնվածության և առողջական վիճակի հնարավոր վատթարացման վրա: Կազմակերպությունը մշտապես պնդել է, որ փորձաքննության կարգում պետք է կատարել համապատասխան փոփոխություններ, որի համաձայն միաժամանակ մի քանի հիվանդության դեպքում կսահմանվի անձին զինվորական ծառայության պիտանիությունը որոշելու և զորակոչելու գնահատման մոտեցումը և իրավական հիմքերը՝ դիտարկելով անձի առողջական վիճակի ողջ պատկերը և ոչ թե ըստ առանձին հիվանդությունների՝ մեկը մյուսից մեկուսի դիտարկելով, քանի որ այդ հիվանդությունները նույն անձի մոտ են: ՀՔԱ Վանաձորի գրասենյակը գտնում է, որ այն անձին, ով ունի երկու և ավելի հիվանդություններ, որոնց հիմքով ճանաչվում է պիտանի զինվորական ծառայությանը սահմանափակումով, պետք է տրամադրվի տարկետում մինչև այդ հիվանդություններից անձի վերականգնումը կամ բուժումը: Առաջարկը դեռևս արդիական է պարտադիր զինվորական ծառայության զորակոչի ենթակա քաղաքացիների և զինծառայողների ռազմաբժշկական փորձաքննության դեպքում: Առաջարկությունը ՀՀ ՊՆ կողմից չընդունվեցայն հիմնավորմամբ, որ «գործնականում բազմաթիվ են ֆիզիկական թերությունների և հիվանդությունների այն դեպքերը, որոնք խոչընդոտ չեն հանդիսանում քաղաքացու՝ զինվորական ծառայություն անցնելու համար, սակայն դրանց առկայության դեպքում քաղաքացին ճանաչվում է սահմանափակումով պիտանի զինվորական ծառայության համար և երկու կամ երեք հիվանդությունների հիմքով զինվորական



ծառայության համար սահմանափակումով պիտանի ճանաչված քաղաքացուն տարկետում տրամադրելը էականորեն կծանրաբեռնի առողջական վիճակի հետազատություն և բժշկական փորձաքննություն իրականացնող հանձնաժողովների աշխատանքները, **ինչպես նաև կարող է խոչընդոտ հանդիսանալ զինված ուժերի համալրման հարցում»:**

Նախագծի ուսումնասիրությունը ցույց տվեց, որ բժշկական հանձնաժողովների կողմից քաղաքացիների վերաբերյալ կայացված եզրակացությունների բողոքարկման դեպքում վարչական կամ դատական կարգով բողոք բերելու ժամկետները կրկին սահմանվում են դրանց կայացման օրվանից, իսկ որոշ դեպքերում սահմանվում է, որ եզրակացությունները քաղաքացուն տրամադրվում են իր կողմից նման պահանջ ներկայացնելու դեպքում:

Նման կարգավորումները խնդրահարույց են անձի՝ իր իրավունքներին և շահերին առչնվող որոշումները ժամանակին ստանալու և այդ որոշումները բողոքարկելու իրական հնարավորությունների տեսանկյունից: Մասնավորապես, ինչպես նախկինում գործող, այնպես էլ առաջարկված փոփոխությունների դեպքում կարող է ստեղծվել այնպիսի իրավիճակ, երբ անձը կարող է զրկվել վարչական կամ դատական կարգով բողոք բերելու իր հիմնարար իրավունքից այն պատճառով, որ վերը թվարկված եզրակացությունների կայացման օրվանից երկամսյա ժամկետում չկարողանա բողոքարկել համապատասխան եզրակացությունը, քանի որ նրան չի տրամադրվել վարչական ակտի օրինակը և վերջինիս բովանդակությունը՝ այդպիսի ակտ ընդունելու իրավական և փաստական հիմքերը, քաղաքացուն հայտնի չեն:

«Վարչարարության հիմունքների և վարչական վարույթի մասին» ՀՀ օրենքով անձը պետք է անձամբ ծանուցվի իր վերաբերյալ ընդունված իրավական ակտի, որոշման մասին:

ՀՔԱ Վանաձորի գրասենյակն առաջարկել էր Նախագծի հավելվածով սահմանել, որ քաղաքացու առողջական վիճակի վերաբերյալ եզրակացությունները դրանց ընդունման



օրվանից եռօրյա ժամկետում համապատասխան բժշկական հանձնաժողովի կողմից պարտադիր կերպով հանձնվում են ակտի հասցեատիրոջը, իսկ եզրակացությունները կարող են բողոքարկվել Օրենքով սահմանված կարգով վարչական ակտի ուժի մեջ մտնելուց հետո երկամսյա ժամկետում: Առաջարկությունը ՀՀ ՊՆ կողմից չընդունվեց այն հիմնավորմամբ, որ ԿԲՀ եզրակացության հիման վրա կայացված վարչական ակտը (ՀՀ ՊՆ հրամանը կամ տարածքային ստորաբաժանման ղեկավարի որոշումը) «Զինվորական ծառայության և զինծառայողի կարգավիճակի մասին» ՀՀ օրենքով և ՀՀ կառավարության 2018 թ հոկտեմբերի 4-ի N 1132-Ն որոշմամբ սահմանված կարգով եռօրյա ժամկետում տրամադրվում է քաղաքացուն և ԿԲՀ եզրակացությունը տրամադրելու պարտադիր նորմ սահմանելու անհրաժեշտություն չկա:

ՀՀ Կառավարության 2018 թ N 405-Ն որոշման մեջ կատարված այլ էական փոփոխություններից է նաև այն հանգամանքը, որ Հավելված 2-ի՝ նախագորակոչային և գորակոչային տարիքի քաղաքացիների բժշկական հետազոտությունների վերաբերյալ 1-ին գլխում լրացվել է կետ՝ «Պահեստագործում հաշվառված քաղաքացիների բժշկական հետազոտություններ»-ի վերաբերյալ՝ ներկայացնելով բուժզննությունների ցանկը: Ըստ այդմ, «2.1. Պահեստագործում հաշվառված քաղաքացիների բժշկական հետազոտությունները ներառում են՝ 1) միկրոպրեցիպիտացիայի ռեակցիան. 2) արյան խմբի և ռեզուս պատկանելության որոշումը (եթե բացակայում է գրառում զինվորական գրքույկում). 3) ֆյուրոբոգրաֆիա կամ կրծքավանդակի օրգանների ռենտգեն հետազոտությունը. 4) մեզի և արյան ընդհանուր քննությունը. 5) էլեկտրասրտագրումը. 6) որովայնի օրգանների ՈՒԶ հետազոտությունը. 7) տուբերկուլինային մաշկային փորձը:»:

Այսպիսով, ամփոփելով ՀՀ կառավարության 2018 թվականի ապրիլի 12-ի N 405-Ն որոշմամբ կատարված փոփոխությունները, կարող ենք արձանագրել, որ դրանք դրական են այն իմաստով, որ

- սահմանվեց պահեստազորում հաշվառված քաղաքացիների բժշկական հետազոտությունների ցանկը, մինչդեռ այլ խնդիր է այն հանգամանքը, որ պահեստազորում հաշվառված անձինք հիմնականում չեն ենթարկվում նշված զննություններին վարժական հավանքների ներգրավվելիս,

- ԿԲՀ-ի կազմում ընդգրկվող անձանց ցանկը անփոփոխ է թողնվել, այն է՝ հանձնաժողովի նախագահը, տեղակալը (բժիշկ), անդամները: Նաև անփոփոխ է թողնվել նախորդ որոշմամբ սահմանված դրույթն այն մասին, որ ԿԲՀ-ի անդամ չի կարող նշանակվել սույն կարգով սահմանված այլ բժշկական կամ ռազմաբժշկական հանձնաժողովի անդամ նշանակված անձը,

- անձի կողմից իր առողջական վիճակի վերաբերյալ պահանջվող տեղեկությունները բժշկական կազմակերպությունը տրամադրում է անվճար և գրավոր կարգով: Տվյալները քաղաքացուն կարող են հասանելի լինել նաև էլեկտրոնային առողջապահության ԱՐՄԵԴ համակարգի միջոցով:

ՀՀ կառավարության 2018 թ. N 405-Ն որոշման մեջ կատարված փոփոխությունները քացասական են այն իմաստով, որ

- ԿԲՀ կազմում ընդգրկվում են պաշտպանության ոլորտի քաղաքականություն իրականացնող մարմինների ներկայացուցիչներ, ինչը նպատակահարմար չէ, քանի որ գործընթացի կազմակերպման ընթացքում պետք է ներգրավել միայն այդ համակարգից դուրս այլ մարմիններին ու դրանց ներկայացուցիչներին՝ խուսափելու համար շահերի բախումից,

- անձի մոտ 5 և ավելի հիվանդության առկայության դեպքում շեշտը դրվում է միայն հիվանդությունների քանակի վրա, այլ ոչ թե զուգահեռաբար մի քանի հիվանդության պարագայում ծանրաբեռնվածության և առողջական վիճակի հնարավոր վատթարացման վրա,



• միաժամանակ մի քանի հիվանդության դեպքում չի սահմանվում անձին զինվորական ծառայությանը պիտոն իությունը որոշելու և գորակոչելու գնահատման մոտեցումը և իրավական հիմքերը՝ անձի մոտ առկա հիվանդությունները դիտարկելով առանձին՝ մեկը մյուսից մեկուսի և ոչ թե դիտարկելով անձի առողջական վիճակի ողջ պատկերը:

• քաղաքացու առողջական վիճակի վերաբերյալ եզրակացությունները համապատասխան բժշկական հանձնաժողովի կողմից պարտադիր կերպով չեն հանձնվում ակտի հասցեատիրոջը,

• եզրակացությունները կարող են բողոքարկվել Օրենքով սահմանված կարգով վարչական ակտի ուժի մեջ մտնելուց, այլ ոչ թե անձին տրամադրվելուց հետո երկամսյա ժամկետում:

2021 թ. ՁՄԵՌԱՅԻՆ, 2022 թ. ԱՄԱՌԱՅԻՆ ԵՎ 2022 ՁՄԵՌԱՅԻՆ ԶՈՐԱԿՈՉԵՐԻ ԸՆԹԱՑՔՈՒՄ ԱՐՁԱՆԱԳՐՎԱԾ ԽՆԴԻՐՆԵՐԻ ԵՎ ԿԱԶՄԱԿԵՐՊՈՒԹՅԱՆ ԿՈՂՄԻՑ ԻՐԱՎԱԿԱՆ ԱԶԱԿՑՈՒԹՅԱՆ ՎԵՐԱԲԵՐՅԱԼ ՎԻՃԱԿԱԳՐՈՒԹՅՈՒՆԸ

2021 թ. ձմեռային, 2022 թ. ամառային և 2022 թ. ձմեռային գորակոչերի ընթացքում պարտադիր ժամկետային զինվորական ծառայության գորակոչին և պահեստագորայիններին վերաբերող հարցերով ՀՔԱ Վանաձորի գրասենյակ է դիմել **158** անձ, որոնցից

70 (44 %) գորակոչիկ՝ համապատասխանաբար 14, 31 և 25 հոգի յուրաքանչյուր գորակոչի ընթացքում, **69 (44%)** պահեստագորում հաշվառված անձ՝ վերոնշյալ ժամանակահատվածն ընդգրկող ընթացքում, **9 (6%) զինվորական հաշվառման ենթակա անձ**, համապատասխանաբար՝ 4, 3 և 2 հոգի յուրաքանչյուր գորակոչի ընթացքում, **9 (6%) սահմանված կարգի խախտմամբ զինվորական ծառայություն չանցած անձ՝** համապատասխանաբար 2, 3 և 4 հոգի յուրաքանչյուր գորակոչի ընթացքում, **1 (1%)**



զինվորական ծառայության ընթացքում առողջական վիճակի պատճառով ոչ պիտանի ճանաչված քաղաքացի՝ 2022 թ. ամառային գորակոչի ընթացքում:

Նշենք, որ նախորդ երեք՝ 2020 թ. ամառային, 2020 թ. ձմեռային և 2021 թ. ամառային գորակոչերի ընթացքում Կազմակերպություն դիմողների թիվը կազմել է 142 հոգի՝ համապատասխանաբար 55 (38 %), 17 (12%) և 20 (14%) գորակոչիկ յուրաքանչյուր գորակոչի ընթացքում, 5 (4%), 5 (4%) և 3 (2%) զինվորական հաշվառման ենթակա անձ յուրաքանչյուր գորակոչի ընթացքում, 5 (4%) սահմանված կարգի խախտմամբ զինվորական ծառայություն չանցած անձ՝ 2021 թ. ամառային գորակոչի ընթացքում: 2020 թվականի ձմեռային գորակոչի ընթացքում Կազմակերպություն է դիմել պահեստագործում հաշվառված 19 (13 %) անձ, 2021 թվականի ամառային գորակոչի ժամանակ՝ 13 (9 %): Նախորդ տարիների ընթացքում կանոնավոր վարժական հավաքներ չեն իրականացվել, ուստի նախկին գորակոչերին վերաբերյալ տեղեկանքներում Կազմակերպությունը չի դիմած պահեստագործայինների թիվը:

Նկատենք, որ սույն զեկույցում դիտարկվող 3 գորակոչերի ընթացքում դիմած գորակոչիկների համեմատաբար փոքր թիվը պայմանավորված է հետպատերազմյան իրավիճակով: Այսպես, եթե դիտարկենք 2020 թ. պատերազմին նախորդող երեք՝ 2019 թ. ամառային, 2019 թ. ձմեռային և 2020 թ. ամառային և դրան հաջորդող երեք՝ 2020 թ. ձմեռային, 2021 թ. ամառային և 2021 թ. ձմեռային գորակոչերին Կազմակերպություն դիմած գորակոչիկների թիվը, կարելի է արձանագրել, որ հետպատերազմյան շրջանում դիմելիությունը նվազել է 60 %-ով, քանի որ մինչ պատերազմյան երեք գորակոչերին Կազմակերպություն են դիմել 183 գորակոչիկ, իսկ հետպատերազմյան շրջանում՝ 74 գորակոչիկ:

Ըստ էության 2022 թ. ձմեռային գորակոչից սկսած ՀՀ քաղաքացիները սկսեցին պարտադիր զինվորական ծառայության գորակոչվել միայն ՀՀ տարածքում: Այս առումով զինծառայողների և նրանց ընտանիքների շրջանում նկատվում էր այլ մտտեցում



զինվորական ծառայության իրականացման նկատմամբ, մասնավորապես՝ վերջիններս նախընտրում էին 2020 թ. պատերազմական գործողությունների ավարտից հետո հնարավորինս շուտ և կարևորը՝ ՀՀ տարածքում անցնել պարտադիր զինվորական ծառայություն: Այս պայմաններում շատերն անտեսում էին իրենց առողջական խնդիրները, ընտանեկան պայմանները և այլ հանգամանքները, որոնց առկայությամբ իրավունք ունեին բողոքարկելու պիտանիության վերաբերյալ Կենտրոնական բժշկական հանձնաժողովի կայացրած որոշումները:

2021 թ. ձմեռային, 2022 թ. ամառային, 2022 թ. ձմեռային գորակոչերի ընթացքում գորակոչի հետ կապված հարցերով դիմած անձինք ըստ աշխարհագրական տարածքի

Աղյուսակ 1. 2021 ձմեռային, 2022 թ. ամառային և 2022 ձմեռային գորակոչերի ընթացքում գորակոչի վերաբերյալ հարցերով դիմած անձինք ըստ աշխարհագրական տարածքի

Մարզ/ տարածք	2021 ձմեռ					2022 ամառ					2022 ձմեռ					Ընդամենը
	Զորակոչիկ	Զին հաշվ ենթ անձ	Մահմ. կարգի խախտ. զինծ. չանցած անձ	Առ. վիճ. պատճ. զինծ. ոչ պիտանի ճանաչված քաղաքացի	Պահեստագործում հաշվատված անձ	Զորակոչիկ	Զին հաշվ ենթ անձ	Մահմ. կարգի խախտ. զինծ. չանցած անձ	Առ. վիճ. պատճ. զինծ. ոչ պիտանի ճանաչված քաղաքացի	Պահեստագործում հաշվատված անձ	Զորակոչիկ	Զին հաշվ ենթ անձ	Մահմ. կարգի խախտ. զինծ. չանցած անձ	Զինծ. ոչ պիտանի ճանաչված քաղաքացի	Պահեստագործում հաշվատված անձ	
Լոռու մարզ	6				2	11		1		4	7	1	2		11	45
Զի նշել	3	3			17	10	2		1	18		1	2		1	58
Արտերկիր			2		1	5	1	2			2		3			16



Երևան	3					2				2	6	1			7	21
Շիրակի մարզ	1	1				2				1		2				7
Գեղարքունիքի մարզ						1				1						2
Արարատի մարզ	1									1						2
Կոտայքի մարզ					1						1					2
Տավուշի մարզ											1				1	2
Սյունիքի մարզ											1					1
Արագածոտնի մարզ											1					1
Արմավիրի մարզ										1						1
Ընդամենը	14	4	2	0	21	31	3	3	1	28	19	5	7	0	20	158

Ինչպես երևում է աղյուսակ 1-ից՝ Կազմակերպություն դիմած անձանց մեծ մասը՝ 28 %-ը Լոռու մարզից են (45 հոգի), 13 %-ը Երևան քաղաքից (21 հոգի), 10 %-ը՝ արտերկրից (16 հոգի), 4 %-ը՝ Շիրակի մարզից (7 հոգի), 1-ական %-ը՝ Տավուշի, Արարատի, Կոտայքի, Գեղարքունիքի մարզերից (2-ական հոգի յուրաքանչյուր մարզից), 1-ական հոգի



Արմավիրի, Սյունիքի, Արագածոտնի մարզերից, ևս 37 %-ը (58 հոգի) բնակության վայրը չի ցանկացել նշել:

2021 թ. ձմեռային, 2022 թ. ամառային և 2022 ձմեռային զորակոչերի ընթացքում Կազմակերպություն դիմած **զորակոչիկների** մեծ մասի՝ 51 հոգու (32%), **զինվորական հաշվառման ենթակա 2-ի** (2%) **և պահեստազորում հաշվառված անձանցից 5-ի** (3 %) խնդիրը վերաբերել է առողջական վիճակի ոչ պատշաճ բժշկական զննության և փորձաքննության իրականացմանը, բժշկական եզրակացության հետ անհամաձայնությանը կամ ՀՀ կառավարության 2018 թ 404-Ն որոշմամբ սահմանված զինվորական ծառայության համար քաղաքացու պիտանիության աստիճանը որոշող հիվանդությունների ցանկի համապատասխան առկա առողջական խնդիրներով զինծառայությանը պիտանիության վերաբերյալ հարցի պարզաբանմանը:

58 պահեստազորային (37 %) դիմել է վարժական հավաքներին ներգրավելու իրավական հիմքերի վերաբերյալ խորհրդատվություն ստանալու համար:

11 զորակոչիկ (7 %) **և 3 զինվորական հաշվառման ենթակա անձ (2 %)** դիմել է «Զինվորական ծառայության և զինծառայողի կարգավիճակի մասին» ՀՀ օրենքով սահմանված տարկետման և ազատման հիմքերի վերաբերյալ հարցերով /ընտանեկան դրության բերումով, ուսումը շարունակելու համար/:

4 զորչակոչիկ (3 %) **և 3 զինվորական հաշվառման ենթակա անձ (2 %)** դիմել է երկքաղաքացիության դեպքում Հայաստանի Հանրապետությունում զինծառայություն անցնելու ընթացակարգերի, ինչպես նաև ՀՀ քաղաքացի լինելու և միաժամանակ այլ երկրում զինծառայություն անցնելու դեպքում Հայաստանի Հանրապետությունում զինծառայությունից ազատվելու կարգավորումների վերաբերյալ հարցերով:

9 հոգի (6 %) դիմել է սահմանված կարգի խախտմամբ զինվորական ծառայությունից խուսափելու հետ կապված հարցով:



Մյուս 12 անձանց խնդիրները կապված են եղել տարբեր այլ հարցերի և իրավական ընթացակարգերի պարզաբանման հետ *(տե՛ս Աղյուսակ 2)*:



Աղյուսակ 2. Կազմակերպություն դիմած գորակոչիկների, զինվորական հաշվառման ենթակա անձանց և պահեստագործում հաշվառված անձանց խնդիրներն ըստ յուրաքանչյուր գորակոչի

Խնդիր	2021 թ. ձմեռային գորակոչ					2022 թ. ամառային գորակոչ					2022 թ. ձմեռային գորակոչ					Ընդամենը					
	Զորավոչիկ	Զին հաշվ. ենթ. անձ	Մահվ կախիկ խախտում զինծ. չանցած	Զինծ. ոչ պիտանի ճանաչված քաղաքացի	Պահեստագործում հաշվ. անձ	Զորավոչիկ	Զին հաշվ. ենթ. անձ	Մահվ կախիկ խախտում զինծ. չանցած	Զինծ. ոչ պիտանի ճանաչված քաղաքացի	Պահեստագործում հաշվ. անձ	Զորավոչիկ	Զին հաշվ. ենթ. անձ	Մահվ կախիկ խախտում զինծ. չանցած	Զինծ. ոչ պիտանի ճանաչված քաղաքացի	Պահեստագործում հաշվ. անձ	Զորավոչիկ	Զին հաշվ. ենթ. անձ	Մահվ կախիկ խախտում զինծ. չանցած	Զինծ. ոչ պիտանի ճանաչված քաղաքացի	Պահեստագործում հաշվ. անձ	
Առողջական խնդիրներ/ոչ պատշաճ բժշկական օգնություն ստանալու, առողջական վիճակի զննության արդյունքների հետ անհամաձայնություն	10	2			2	20				3	21				1	51	2				5
Պարտադիր զինվորական ծառայության գորակոչից տարկետման հիմքերի վերաբերյալ խորհրդատվություն /ուսման հիմքով, ընտանեկան պայմաններից ելնելով/	1	1				7					3	2				11	3				
«Քաղաքացիության մասին» և «Զինվորական ծառայության և զինծառայողի կարգավիճակի մասին» ՀՀ օրենքների դրույթների վերաբերյալ խորհրդատվություն		1				4	2									4	3				
«Մահմանված կարգի խախտումներ զինծառայություն չանցած			2					3					4					9			



քաղաքացիների մասին» ՀՀ օրենքի դրույթների վերաբերյալ խորհրդատվություն																				
Առողջական վիճակի գննության նպատակով համապատասխան ուղեգրերի տրամադրման վերաբերյալ խորհրդատվություն/ ուղեգիր չտրամադրելու մասին ահազանգ	3																			3
Քաղաքացիներին զինվորական հաշվառման վերցնելու կարգի վերաբերյալ խորհրդատվություն					2															2
Ըստ բնակության վայրի ԶԶՇ համապատասխան ստորաբաժանումում հաշվառվելու վերաբերյալ խորհրդատվություն					1															1
Ընտանեկան դրության բերումով անձանց բնակության վայրին մոտ ծառայություն իրականացվելու իրավական հիմքերի վերաբերյալ խորհրդատվություն						1														1
ՌՌՀ ընդունելության կարգի և պայմանների վերաբերյալ խորհրդատվություն					1															1
Հոգեկայրադրանական խնդիրների հիմքով (404 որոշման 7 Բ հոդված) զինծառայությանը ոչ պիտանի ճանաչված անձանց վարորդական իրավունքի տրամադրման վերաբերյալ																				1



խորհրդատվություն																			
Կորոնավիրուսային համավարակով պայմանավորված արտակարգ դրության ժամանակ արտերկրից ՀՀ վերադառնալու հնարավորության բացակայության պատճառով գորակոչից խուսափելու հիմքով հարուցված քրեական գործի շրջանակներում իրավական աջակցություն	1																		
Բուժզննության նպատակով այլ բնակավայր մեկնելու համար նախատեսված տրանսպորտային ծախսի փոխհատուցումների վերաբերյալ խորհրդատվություն/ ահազանգ	1																		
ԼԳՏՏ անձանց զինապարտության վերաբերյալ և ծառայության անցնելու ընթացակարգերի վերաբերյալ խորհրդատվություն										1									
Զինծառայության համար ժամանակավերապես ոչ պիտանի ճանաչված անձանց փորձաքննության ժամանակահատվածի, փորձաքննության չներկայանալու դեպքում իրավական հետևանքների վերաբերյալ խորհրդատվություն																			
Ահազանգ վարժական գորահավաքներին մասնակցելու					1														1



բանավոր ծանուցման մասին																				
Պատերազմից հետո գորամասերի լուծարման հետևանքով զինձառայողներին փաստաթղթերի տրամադրում					1															1
Զինգրքույկում մարտական գործողությունների մասին նշման բացակայության վերաբերյալ ահազանգ					1					1									1	1
Վարժական հավաքների ներգրավելու իրավական հիմքերի վերաբերյալ խորհրդատվություն					15					6									35	58
Վարժական հավաքների ժամանակահատվածում տեղաշարժի իրավունքների վերաբերյալ խորհրդատվություն					1															1
Վարժական հավաքների կանչվելու դեպքում բուհ-երում սովորող անձանց կրթության իրավունքի ապահովման վերաբերյալ խորհրդատվություն										1										1
Պատերազմական գործողությունների մասնակիցներին սոցիալական ապահովության իրավունքի ապահովման/ դրամական փոխհատուցումների տրամադրման վերաբերյալ խորհրդատվություն					1					1										2
Բնակարանային պայմանների բարելավման համար հաշվառված																			1	1



նախկին զինձառայողների, զոհված (մահացած) զինձառայողների ընտանիքների հերթացուցակի վերաբերյալ խորհրդատվություն																			
Ընդամենը	14				21	31									70				
	դիմում				դիմում/	դիմում/									դիմում/				
	16				22	/35									36				
	խնդիր	4	2	0	խնդիր	խնդիր	3	3	1	12	2	4	0	խնդիր	77	9	9	1	69
																158 դիմում/ 168 խնդիր			

2021 թ. ձմեռային, 2022 թ. ամառային և 2022 թ. ձմեռային գորակոչների ընթացքում ՀՔԱ Վանաձորի գրասենյակ դիմած բոլոր անձանց տրամադրվել է բանավոր խորհրդատվություն: **12** գորակոչիկի և պահեստագործում հաշվառված **32** անձանց բացի բանավոր աջակցությունից, տրամադրվել է նաև գրավոր իրավական աջակցություն (տե՛ս աղյուսակ 3): Նշված **12** գորակոչիկներից 8-ի խնդիրը կապված է եղել առողջական խնդիրների հետ, 3-ի խնդիրը վերաբերել է ընտանեկան դրությունից ելնելով պարտադիր զինվորական ծառայության գորակոչից տարկետման իրավունքից օգտվելու հնարավորությանը, 1-ի խնդիրը վերաբերել է առողջական վիճակի գննության իրականացման համար անհրաժեշտ ուղեգրերը տրամադրելու հարցին:

Գրավոր աջակցություն ստացած **32 պահեստագորայիներին 29-ի** խնդիրը կապված է եղել ընտանեկան ու առողջական վիճակով պայմանավորված վարժական հավաքներին ներգրավելու հետ, 3-ի խնդիրը՝ զինվորական գրքույկում մարտական գործողություններին մասնակից լինելու մասին համապատասխան նշման բացակայության հետ:



Աղյուսակ 3. Իրավական աջակցության տրամադրման ընթացակարգը

Իրավական աջակցության տրամադրման ընթացակարգը	2021 ձմեռային զորակոչ	2022 ամառային զորակոչ	2022 ձմեռային զորակոչ	Ընդամենը
Գրավոր	6	8	30	44
Բանավոր	34	44	36	114
Ընդամենը	40	52	66	158

Կազմակերպության կողմից գրավոր աջակցության շրջանակներում ուղարկված գրություններին տրամադրված պատասխանների ժամկետները

2021 թ. ձմեռային, 2022 թ. ամառային և 2022 ձմեռային զորակոչերի ընթացքում դիմած զորակոչիկներից 12-ի խնդրով գրավոր իրավական աջակցության շրջանակներում Կազմակերպության պաշտպանության և անվտանգության բնագավառում քաղաքացիական վերահսկողության ծրագրերի բաժնի կողմից ուղարկվել է ընդհանուր առմամբ 14 գրություն՝ ուղղված ՀՀ պաշտպանության նախարարությանը, ՀՀ ՊՆ զորակոչային և զորահավաքային համալրման ծառայությանը:

Աղյուսակ 4 . Ուղարկված գրություններին տրամադրված պատասխանների ժամկետները

Պատասխան գրության ժամկետը	Ժամանակին		Ուշացումով		Ի գիտություն ուղարկված/ պատասխան չենթադրող գրություն	Ընդամենը
	Ըստ էության	Ոչ ըստ էության	Ըստ էության	Ոչ ըստ էության		
Ուղարկված գրությունների թիվը	29	0	8	0	7	44

ՀՔԱ Վանաձորի գրասենյակի իրավական աջակցության արդյունքները

Իրավական գրավոր և բանավոր աջակցության արդյունքում զորակոչիկներից

- *5 հոգի ճանաչվել է ոչ պիտանի զինվորական ծառայության համար և ազատվել զինվորական ծառայությունից,*
- *3 հոգի ճանաչվել է ժամանակավորապես ոչ պիտանի զինվորական ծառայության համար /տրամադրվել է տարկետում 3 տարի ժամկետով/,*
- *1 հոգու առողջական խնդիրների առկայության պատճառով տրամադրվել է տարկետում 6 ամիս ժամկետով,*
- *1 հոգու, ով դիմել էր ընտանեկան դրությունից ելնելով տարկետման տրամադրման հիմքերի վերաբերյալ հարցով, տրամադրվել է տարկետում 6 ամիս ժամկետով՝ միջին*



մասնագիտական կրթությունը շարունակելու հիմքով, հետագայում վերջինիս տրամադրվել է տարկետում նս 6 ամիս ժամկետով ընտանեկան պայմաններից ելնելով,

- *1 հոգու, ով դիմել էր ընտանեկան դրությունից ելնելով տարկետման տրամադրման հիմքերի վերաբերյալ հարցով, տրամադրվել է տարկետում 1 տարի ժամկետով՝ սպորտային որոշակի մարզաձևի հավաքականում ներգրավված լինելու հիմքով,*
- *1 պահեստագորային ազատվել է վարժական հավաքներին մասնակցելուց,*
- *գորահավաքային գորակոչի շրջանակներում պատերազմական գործողություններին մասնակցած 1 պահեստագորայինի զինվորական գրքույկում կատարվել է նշում մարտական գործողություններին մասնակցից լինելու վերաբերյալ:*

Այս պիսով, Կազմակերպություն դիմած գորակոչիկներից 5-ը ազատվել են զինվորական ծառայությունից՝ առողջական խնդրների կապակցությամբ, 3-ը ճանաչվել են ժամանակավորաձես ոչ պիտանի զինվորական ծառայության համար, 3-ին տրամադրվել է տարկետում մինչև 1 տարի ժամկետով, 1 պահեստագորային ազատվել է վարժական հավաքներին մասնակցելուց, 1 պահեստագորայինի զինվորական գրքույկում կատարվել է նշում մարտական գործողություններին մասնակցից լինելու վերաբերյալ:

Նախորդ գորակոչերից շարունակվող գործեր

Հարկ է նշել, որ բացի 2021 թ. ձմեռային, 2022 թ. ամառային և 2022 թ. ձմեռային գորակոչերի ընթացքում դիմած գորակոչիկներից, Կազմակերպությունը նշված ժամանակահատվածում շարունակել է զբաղվել նաև նախկինում դիմած **15 գորակոչիկների գործերով**: Վերջիններիս թվում են այն գորակոչիկները, ովքեր համաձայն չլինելով առողջական վիճակի հետազոտության արդյունքների հետ, Կազմակերպության աջակցությամբ բողոքարկել են իրենց պիտանիության մասին որոշման օրինականությունը ըստ վերադասության կամ դատական կարգով, ինչպես նաև նախկինում դիմած և

տարկետում ստացած զորակոչիկները, ովքեր վերստին Կազմակերպություն են դիմել գրավոր կամ բանավոր իրավական աջակցության նպատակով 2021 թ. ձմեռային, 2022 թ. ամառային և 2022 թ. ձմեռային զորակոչերի ընթացքում:

Կազմակերպությունը շարունակել է **դատական կարգով բողոքարկել 7** զորակոչիկների գործերը:

Այսպիսով, նախկինում դիմած **15 զորակոչիկներից**

- ❖ **7-ի** գործերը բողոքարկվում են **դատական** կարգով, մասնավորապես՝
 - 5 զորակոչիկի գործով բողոքարկվում են առողջական վիճակի հիմքով զինծառայության պիտանիության վերաբերյալ ԿԲՀ որոշումները,
 - 1 զորակոչիկի գործով Կազմակերպության կողմից դատական կարգով ներկայացվել է պիտանիության վերաբերյալ որոշման անվավեր ճանաչելու վերաբերյալ պահանջ (զորակոչվելուց և վաղաժամ գորացրվելուց հետո)
 - 1 զորակոչիկի գործով պահանջ է ներկայացվել արդարացված զորակոչիկին ոչ նյութական վնասի փոխհատուցման մասին:
- ❖ մյուս **7** զորակոչիկներին, ովքեր նախկինում տարկետում են ստացել պարտադիր ժամկետային զնիվորական ծառայության զորակոչից, Կազմակերպության կողմից պարբերաբար տրամադրվել է իրավական աջակցություն 2021 թ. ձմեռային, 2022 թ. ամառային և 2022 թ. ձմեռային զորակոչերի ընթացքում:

Նախկինում դիմած և 2021 թ. ձմեռային, 2022 թ. ամառային և 2020 թ. ձմեռային զորակոչերի ժամանակահատվածում **Կազմակերպության կողմից գրավոր կամ բանավոր** իրավական աջակցություն ստացած 15 զորակոչիկներից



- **4-ը** ճանաչվել են ոչ պիտանի զինձառայության համար, **2 գորակոչիկի** տրամադրվել է տարկետում 1 տարի ժամկետով,
- **1 գորակոչիկի** տրամադրվել է տարկետում 10 ամիս ժամկետով:

Կազմակերպության կողմից փաստաբանի ներգրավմամբ իրավական աջակցության արդյունքում

- առողջական խնդիրներ ունեցող **2 գորակոչիկ** բուժման նպատակով ստացել է տարկետում պարտադիր ժամկետային զինվորական ծառայությունից,
- առողջական խնդիրներ ունեցող **1 գորակոչիկի** նկատմամբ ՀՀ քրեական օրենսգրքի 327-րդ հոդվածի 1-ին մասով հարուցված քրեական հետապնդումը դադարեցվել է արարքում հանցակազմի բացակայության հիմքով՝ գորակոչիկը ազատվել է պարտադիր ժամկետային զինվորական ծառայությունից,
- վերականգվել է առողջական խնդիրներ ունեցող **1 գորակոչիկի** խախտված իրավունքները՝ դատարանի վճռով Կենտրոնական բժշկական հանձնաժողովի ոչ իրավաչափ եզրակացությունը ճանաչվել է անվավեր,
- ընտանեկան պայմաններից ելնելով տարկետման իրավունք ունեցող **1 գորակոչիկ**, ազատվել է պարտադիր ժամկետային զինվորական ծառայությունից 28 տարին լրանալու հիմքով:
- **1 գորակոչիկ** ճանաչվել է ժամանակավորապես ոչ պիտանի զինձառայության համար և տրամադրվել է տարկետում 3 տարի ժամկետով:

*2021 թ. ձմեռային, 2022 թ. ամառային եւ 2022 թ. ձմեռային գորակոչների
ժամանակ արձանագրված խնդիրները*

1. Անտեսվում են գորակոչիկների առավել լուրջ առողջական խնդիրները և պիտանիության մասին որոշում կայացնելիս գորակոչային բժշկական հանձնաժողովները հիմնվում են առկա այլ առողջական խնդիրների վրա, որոնցով կայացված որոշումը չի համապատասխանում գորակոչի առողջական վիճակին:
2. Զորակոչիկների առողջական խնդիրները փորձաքննում են ՀՀ կառավարության 2018 թ. թիվ 404-Ն որոշման ոչ համապատասխան հոդվածով, որոնց արդյունքում պիտանիության մասին կայացված որոշումը չի համապատասխանում անձի առողջական վիճակը բնորոշող հոդվածին:
3. Բուժհաստատությունները շարունակում են գորակոչիկներին չտրամադրել վերջիններիս առողջական վիճակի վերաբերյալ փաստաթղթերը, դրանով իսկ խախտելով Կառավարության 2018 թվականի 405 որոշման 36-րդ հոդվածը:
4. Տրանսպորտային ծախսերի փոխհատուցման ենթակա գումարի չափը բավարար չէ, ինչը լրացուցիչ բեռ է հասկապես սոցիալապես անապահով ընտանիքների համար:
5. Զորակոչիկներին տրամադրված ուղեգրերում առկա թերությունների (ուղեգրերում առկա ոչ համապատասխան նշումների) պատճառով գորակոչիկները ստիպված են լինում մի քանի անգամ գնալ Երևան, ինչը հավելյալ ֆինանսական խնդիրներ է առաջացնում գորակոչիկների համար:
6. ՀՀ Կառավարության 2018 թ. թիվ 405-Ն որոշման 36-րդ հոդվածով սահմանվում է, որ այն դեպքերում, երբ բժիշկները դժվարանում են վերջնական որոշել գորակոչիկի առողջական վիճակը, բժշկական հանձնաժողովի եզրակացության հիման վրա համապատասխան տարածքային զինվորական կոմիսարը նրան հետազոտման է ուղեգրում բուժհաստատություն: Ուղեգրին կցվում է առողջական վիճակի հետազոտման ակտը: Մինչդեռ, որոշ դեպքերում գորակոչիկները ուղղորդվում են այն բուժհաստատություններ, որտեղ ըստ գորակոչիկի աշխատում է գորակոչի ընթացքում



բժշկական հանձնաժողովի կազմում ընդգրկված համապատասխան բժիշկը, իսկ գորակոչիկի սեփական նախաձեռնությամբ իրականացված հետազոտության արդյունքները հաշվի են առնվում ըստ հայեցողության:

*2021 թ. ձմեռային, 2022 թ. ամառային և 2022 թ. ձմեռային գորակոչերի ընթացքն
ընդգկող ժամանակահատվածում ՀՔԱ Վահեստագործի գրասենյակ դիմած
Պահեստագործում հաշվառված անձանց խնդիրները*

2021 թ. ձմեռային, 2022 թ. ամառային և 2022 թ. ձմեռային գորակոչերն ընդգրկող ժամանակահատվածում Կազմակերպություն է դիմել պահեստագործում հաշվառված 69 անձ: Ինչպես գորակոչի, այնպես էլ վարժական հավաքների և գորահավաքային գորակոչի շրջանակներում Կազմակերպությունը արձանագրել է բազմաթիվ խնդիրներ: Պահեստագործում հաշվառված անձանցից 51-ի (89 %) հարցը վերաբերել է վարժական հավաքներին մասնացելու իրավաչափությանը:

Ներկայացնենք հիմնական խնդիրները, որոնց մասին Կազմակերպությունը ստացել է ահազանգեր պահեստագործում հաշվառված ՀՀ քաղաքացիներից:

- **Պահեստագործում հաշվառված քաղաքացիներին վարժական հավաքներին ներգրավելուց առաջ նրանք չեն ենթարկվում առողջական խնդիրների պատշաճ բժշկական գննության**

Ինչպես գորակոչի, այնպես էլ վարժական հավաքների և գորահավաքային գորակոչի ժամանակ անձանց բուժօգնություններն իրականացվում են ոչ պատշաճ կերպով: Պահեստագործում հաշվառված անձինք ունենալով առողջական խնդիրներ և համալիր բուժօգնությունների չենթարկվելով՝ կանչվում են վարժական հավաքների կամ գորակոչվում են գորահավաքային գորակոչի շրջանակներում: Երբեմն մեկից ավելի



ատողջական խնդիր ունեցող անձինք մեկ խնդրով են ուղեգրվում զննությունների, ինչը բնորոշ է նաև գորակոչին:

- **Գործնականում պահեստագործում հաշվառված և ԲՈԻՀ-երում սովորող քաղաքացիների կրթության իրավունքը խախտվում է վարժական հավաքներին ներգրավվելու դեպքում**

Թեև ԲՈԻՀ-երում սովորող պահեստագործայինների բացակայությունները համարվում են հարգելի և բաց թողված դասաժամերը ենթակա են լրացման վարժական հավաքներին քաղաքացիների մասնակցության դեպքում, սակայն գործնականում բաց թողնված դասաժամերը չեն լրացվում: Հետևաբար ուսանողների համար վարժական հավաքներին ներգրավվելը խնդիրներ է ստեղծում կրթական գործընթացում:

- **Պատերազմական գործողությունների մասնակիցները զրկվում են օրենքով սահմանված սոցիալական երաշխիքներից օգտվելուց՝ զինվորական գրքույկում մասնակցության մասին գրառման բացակայության պատճառով**

Որոշ քաղաքացիների զինգրքույկներում չեն կատարվում համապատասխան նշումներ մարտական գործողություններին մասնակցության վերաբերյալ, ինչի հետևանքով նրանք զրկվում են օրենքով սահմանված երաշխիքներից և արտոնություններից օգտվելու իրավունքից:

- **Օրենքով դեռևս հստակ սահմանված չէ ընտանեկան պայմաններից ելնելով վարժական հավաքների կանչվելու սահմանափակումների վերաբերյալ**

Որոշ դեպքերում ընտանեկան դրությամբ պայմանավորված գործնականում անհնարին է պահեստագործում հաշվառված քաղաքացու մասնակցությունը վարժական հավաքներին, մասնավորապես՝ այն դեպքերում, երբ վերջինիս խնամքի տակ են գտնվում անչափահաս երեխաները, հղի կինը, հաշմանդամություն ունեցող կամ կենսաթոշակի տարիքի ծնողները և այլն: Գործնականում նման դեպքերում անձանց՝ հավանքներին



մասնակցության հարցը կարգավորվում է անհատական մոտեցմամբ՝ ՀՀ ՊՆ զորակոչային և զորահավաքային համալրման ծառայության ղեկավարի կամ ՀՀ պաշտպանության նախարարի հայեցողությամբ:



ԱՌԱՋԱՐԿՈՒԹՅՈՒՆՆԵՐ

Հաշվի առնելով այն հանգամանքը, զորակոչի կազմակերպման և անցկացման ընթացքում առկա են խնդիրներ, որոնք կրում են պարբերական բնույթ, շարունակաբար արձանագրվում են յուրաքանչյուր զորակոչի ժամանակ և մինչ օրս լուծված չեն՝ ներկայացնում ենք համապատասխան առաջարկություններ օրենսդրական և իրավակիրառ պրակտիկայում փոփոխություն իրականացնելու համար.

ՀՀ ՊՆ զորակոչային և զորահավաքային համալրման ծառայության տարածքային ստորաբաժանումներին

1. Բացառել զորակոչիկի առողջական վիճակի գննության վերաբերյալ անհրաժեշտ բժշկական փաստաթղթերի, ինչպես նաև ԿԲՀ որոշումների օրինակների տրամադրման մերժման դեպքերը:
2. Ապահովել բոլոր՝ այդ թվում ԼԳԲՏ համայնքի զորակոչիկների անձի գաղտնիության իրավունքի պաշտպանությունը, հատկապես՝ բժշկական գննության իրականացման ընթացքում:
3. Բացառել զորակոչի ընթացքում բժշկական հետազոտություն անցնելու համար երկար ժամանակով սպասեցնելու արատավոր պրակտիկան և սահմանել օրվա ընթացքում առողջական վիճակի հետազոտություն անցնող զորակոչիկների առավելագույն թվաքանակը և ժամանակացույցը:
4. Պահեստագործում հաշվառված անձանց՝ հայտարարված վարժական հավաքների կամ զորահավաքային զորակոչի շրջանակներում ներգրավելիս իրականացնել վերջիններիս պատշաճ, օբյեկտիվ բժշկական գննությունն ու փորձաքննությունը:
5. Հայտարարված վարժական հավաքների կամ զորահավաքային զորակոչի շրջանակներում պահեստագործում հաշվառված անձանց զորակոչելիս հաշվի առնել նրանց զինվորական մասնագիտությունը:

6. Պահեստագրում հաշվառված անձանց վարժական հավանքների ներգրավելիս հաշվի առնել և պահպանել օրենքով սահմանված ժամկետները:

Բժշկական հաստատություններին.

1. Ջորակոչիկներին և պահեստագրում հաճվառված անձանց ենթարկել համալիր հետազոտությունների՝ նրանց իրական առողջական վիճակը բացահայտելու համար: Մինևույն ժամանակ տրամադրել նրանց առողջական վիճակի վերաբերյալ փաստաթղթերի օրինակները:
2. Պետության կողմից տրամադրվող անվճար բուժօգնության շրջանակներում իրականացնել արդյունավետ և որակյալ անվճար բժշկական միջոցառումներ՝ ներառյալ մազնիսառեզոնանսային տոմոգրաֆիա և այլ լաբորատոր կամ գործիքային հետազոտություններ, որոնք կապահովեն գորակոչիկների առողջական խնդիրների բացահայտման արդյունավետությունը:

Զինկոմիսարիատների բժշկական հանձնաժողովներին.

1. Բժշկական փորձաքննություն իրականացնելիս ապահովել անձի առողջական վիճակի գաղտնիության իրավունքը:
2. Մի քանի առողջական խնդիրներ ունեցող գորակոչիկի բժշկական զննությունը իրականացնել բոլոր խնդիրներով և առողջական վիճակի վերաբերյալ եզրակացությունը ներկայացնել առողջական բոլոր խնդիրների վերաբերյալ՝ անկախ մեկ խնդրով պիտանիության վերաբերյալ որոշումից և անկախ այն հանգամանքից, թե երբ է առաջացել առողջական խնդիրը:
3. Բացառել գորակոչիկների կողմից ներկայացված գանգատները չարձանագրելու պրակտիկան: Անկախ այդ գանգատների հետագա հետազոտման արդյունքներից՝

դրանք պատշաճ արձանագրել անձի առողջական վիճակի հետազոտման ակտերում:

4. Հաշվի առնել սեզոնային հիվանդությունների բնույթը և առանձնահատկությունները, և միայն դրա հիման վրա կայացնել համապատասխան որոշում:

Կենտրոնական բժշկական հանձնաժողովին.

1. Տրամադրել հիմնավորված եզրակացություններ, եթե դրանք տարբերվում են զորակոչիկների առողջական վիճակի վերաբերյալ ակտերով հաստատված ախտորոշումներից:
2. Միմյանցից տարբերվող հիվանդությունների կամ հիվանդությունները սահմանող հոդվածների կիրառման դեպքում կայացնել հիմնավորված որոշում:
3. Ապահովել բոլոր անհրաժեշտ հետազոտությունների համար նախատեսված ուղեգիր՝ զորակոչիկի պիտանիության վերաբերյալ ճիշտ և իրական որոշում կայացնելու համար:
4. Հաշվի առնել առանձին հիվանդությունների «սեզոնային» բնույթը, օրինակ՝ «անգիոտրոֆոներոզ» հիվանդությունը, և հետազոտություններն ու փորձաքննությունը կազմակերպել ձմեռային զորակոչի ընթացքում: Ի դեպ՝ Կենտրոնական բժշկական հանձնաժողովն ունի «մինչև մեկ տարի» ժամկետով տարկետում տրամադրելու հայեցողություն, և հաշվի առնելով, որ նշված հիվանդությունն առավել արտահայտվում է ցուրտ եղանակին, ապա հիվանդության իրական պատկերը բացահայտելու համար ապահովել նման հիվանդությունների առկայության մասին բժշկական հետազոտությունը դրանց սրման ժամանակահատվածում:
5. Ջորակոչը կազմակերպող և իրականացնող իրավասու մարմինների ընդունած որոշումների, գործողության կամ անգործության դեմ բերված բողոքների հիման վրա հարուցված վարչական վարույթի ընթացքում պատշաճ քննարկման առարկա



դարձնել բողոքի փաստական և իրավական հիմքերը, բողոքի քննարկման արդյունքներով ընդունել փաստարկված և պատճառաբանված որոշում:

Պարտադիր զինվորական ծառայության հերթական գորակոչից խուսափելու դեպքի առթիվ հարուցված քրեական գործերի վերաբերյալ.

1. Հաշվի առնել, որ անձը, օգտվելով ՀՀ Սահմանադրությամբ, ՀՀ վարչական դատավարության օրենսգրքով, «Վարչարարության հիմունքների և վարչական վարույթի մասին» ՀՀ օրենքով և իրավական այլ ակտերով երաշխավորված հիմնարար իրավունքներից, փորձելով պարզել վարչական մարմնի կողմից դրսևորած վարչարարության իրավաչափությունը, վիճարկում է իրեն պարտադիր զինվորական ծառայությանը պիտանի կամ սահմանափակումով պիտանի ճանաչելու մասին որոշումը, և անձի արարքին քրեաիրավական գնահատական տալ միայն վարչական ակտի, գործողության կամ անգործության վիճարկման արդյունքում ընդունված վերջնական փաստաթղթի (դատական ակտ, վարչական մարմնի որոշում և այլ) անբողոքարկելի դառնալուց հետո:
2. Վերը նշված հանգամանքը հաշվի առնել նաև քրեական գործերի դատական քննության ընթացքում:
3. Նախաքննության ընթացքում դատաբժշկական հանձնաժողովային փորձաքննություն նշանակելու փոխարեն նշանակել դատաբժշկական և ռազմաբժշկական համալիր փորձաքննություն:
4. Նախաքննության ընթացքում հայտարարված հերթական գորակոչի ընթացքում գորակոչիկի անձնական գործը չուղարկել և գորակոչիկին չհորդորել ներկայանալ ՀՀ ՊՆ գորակոչային և գորահավաքային համալրման ծառայության տարածքային ստորաբաժանում՝ զինվորական ծառայությանը պիտանի կամ սահմանափակումով պիտանի լինելու մասին հարցը կրկին պարզելու, և այդ հանգամանքով պայմանավորված՝ չձգձգել նախաքննության ընթացքը:

Օրենսդրական փոփոխությունների վերաբերյալ.

ՀՀ Կառավարությանը, ՀՀ ԱԺ հանձնաժողովներին, ՀՀ ԱԺ պատգամավորներին.

1. Հայաստանի Հանրապետության կառավարության 2018 թվականի ապրիլի 12-ի N 404-Ն որոշման մեջ փոփոխություններ կատարելիս սահմանել միաժամանակ երկու և ավելի հիվանդությունների առկայության դեպքում անձին զինվորական ծառայության զորակոչելու գնահատման մեխանիզմը և իրավական հիմքերը, և հրաժարվել ըստ առանձին հիվանդությունների գնահատման հիման վրա զորակոչիկների պիտանիության մասին որոշում կայացնելու մոտեցումից՝ վերաացնելով Հայաստանի Հանրապետության կառավարության 2018 թվականի ապրիլի 12-ի N 404-Ն որոշմամբ միաժամանակ հինգ հիվանդության առկայությամբ տարկետում սահմանելու դրույթը:
2. Զինվորական ծառայության համար քաղաքացու կամ զինծառայողի պիտանիության աստիճանը որոշող հիվանդությունների ցանկում հստակեցնել «ձգձգվող» կամ «բուժմանը դժվար ենթարկվող» հասկացությունները և սահմանել կոնկրետ ժամկետներ կամ ժամանակահատվածներ ըստ յուրաքանչյուր հիվանդության՝ ելնելով հիվանդության ախտորոշման համար անհրաժեշտ ժամանակից:
3. Պիտանիության աստիճանը որոշող դրույթները սահմանելիս հաշվի առնել անձի առողջական խնդիրների ծանրության աստիճանը:
4. Վերանայել «Պաշտպանության մասին» ՀՀ օրենքի 29-րդ հոդվածի 2-րդ կետով սահմանված կատեգորիայի անձանց շրջանակը, մասնավորապես՝ «Ընտանեկան պայմաններից ելնելով (անչափահաս երեխա/ներ ունեցող ծնողների զորակոչի դեպքում, նույն ընտանիքից միաժամանակ մեկից ավելի անձանց զորակոչի դեպքում, ընտանիքի միակ կերակրողը հանդիսանալու դեպքում, հաշմանդամություն ունեցող ծնող/ների դեպքում և այլն)»:

5. Հստակ սահմանել «Պաշտպանության մասին» ՀՀ օրենքի 27-րդ հոդվածով սահմանված ռազմատրասնպորտային պարտականության շրջանակներում քաղաքացիներին սեփականության իրավունքով պատկանող տրանսպորտային միջոցների ներգրավման կարգը:
6. Առանձին սահմանել գորահավաքային գորակոչի իրականացման կարգը, ինչպես, օրինակ, սահմանված է պարտադիր ժամկետային զինվորական ծառայության գորակոչի դեպքում:
7. Պարտադիր զինվորական ծառայության հերթական գորակոչի ընթացքում ընդունված վարչական ակտերի, գործողության կամ անգործության դեմ ՀՀ վարչական դատարան ներկայացված հայցադիմումների հիման վրա հարուցված գործերով օրենքով ամրագրել վարչական գործերի քննության և դրա շրջանակներում նշանակված դատաբժշկական փորձաքննությունների կատարման այնպիսի ժամկետներ, որը հնարավորություն կընձեռի դատարանի որոշումն ունենալ մինչև գորակոչի ավարտը, ինչպես, օրինակ, սահմանված է ընտրական իրավունքի պաշտպանության վերաբերյալ գործերով:



ՀԱՎԵԼՎԱԾ 1

2021 թ. ՁՄԵՌԱՅԻՆ, 2022 թ. ԱՄԱՌԱՅԻՆ և 2022 թ. ՁՄԵՌԱՅԻՆ ԶՈՐԱԿՈՉԵՐԻ
ԸՆԹԱՑՔՈՒՄ ԿԱԶՄԱԿԵՐՊՈՒԹՅԱՆԸ ԴԻՄԱԾ ՈՐՈՇ ԶՈՐԱԿՈՉԻԿԻ ԳՈՐԾԵՐԻ
ՆԿԱՐԱԳՐՈՒԹՅՈՒՆՆԵՐԸ ԸՍՏ ԱՐՁԱՆԱԳՐՎԱԾ ԽՆԴԻՐՆԵՐԻ

1. *Մարզերից Երևան բժշկական գննությունների ուղեգրված գորակոչիկները ստիպված են երկար սպասել մինչև գննության ենթարկվելը: Որոշ դեպքերում բժշկական հաստատությունները նույն օրվա ընթացքում չեն հասցնում իրականացնել գննությունները՝ գոյացած հերթի պատճառով: Արդյունքում գորակոչիկները ստիպված են հետ վերադառնալ և բժշկական գննության ներկայանալ հաջորդ օրը: Մարզերից Երևան մեկնելու համար կրկնակի ճանապարհածախսը ոչ միշտ է փոխհատուցվում պետության կողմից, իսկ տրամադրված գումարը հաճախ բավարար չէ, քանի որ այն ներառում է միջքաղաքային և ներքաղաքային հանրային տրանսպորտի ուղևորավարձը, մինչդեռ ժամանակի սղության պատճառով գորակոչիկները շատ հաճախ օգտվում են տաքսի ծառայություններից, որի արժեքը առավել բարձր է:*

• Վ. Մ.

2022 թ. ձմեռային գորակոչի շրջանակներում Վ. Մ.-ն առողջական խնդիրների պատճառով ՀՀ ՊՆ գորակոչային և գորահավաքային համալրման ծառայության Շրակի մարզի տարածքային ստորաբաժանման կողմից ուղեգրվել է Մալայանի անվան ակնաբուժական կլինիկա՝ բուժգննություն անցնելու նպատակով, սակայն մի քանի ժամ սպասելուց հետո գորակոչիկին հայտնել են, որ չեն կարող իրեն սպասարկել, և որ նա պետք է ներկայանա մեկ այլ օր կամ պետք է մնա Երևանում և ներկայանա հաջորդ օրը: Սակայն ընտանիքը վճարունակ չէ և չի չի կարող հոգալ Երևանում մնալու ծախսերը: Արդյունքում գորակոչիկը ստիպված է եղել տուն վերադառնալ: Մինչդեռ հաջորդ անգամ



բուժզննության ներկայանալու համար նախատեսված տրանսպորտային ծախսերը գորակոչիկը ստիպված է եղել հոգալ անձամբ:

Բուժզննության նպատակով մարզից Երևան ուղևորվելու համար ՀՀ ՊՆ գորակոչային և գորահավաքային համալրման ծառայության ստորաբաժանուման կողմից գորակոչիկին տրամադրվել է 3000 ՀՀ դրամ, որը բավարար չէ, քանի որ գորակոչիկները հանրային տրանսպորտից օգտվելու դեպքում երկար ժամանակ են վատնում, իսկ տաքի ծառայությունների վճարը առավել բարձր է:

2. *Զորակոչիկների թերի զննությունների արդյունքում կայացվում է պիտանիության մասին որոշում:*

3. *Զորակոչիկները չեն ուղեգրվում առավել թանկարժեք հետազոտությունների: Արդյունքում՝ կայացվում է պիտանիության մասին որոշում թերի զննությունների հիման վրա:*

• **Վ. Մ.**

Զորակոչիկ Վ.Մ.-ն ունի մի քանի առողջական խնդիրներ, սակայն ուղեգրվել է բժշկական զննությունների միայն մեկ առողջական խնդրի կապակցությամբ: Մյուս առողջական խնդրի կապակցությամբ, որի ախտորոշման համար անհրաժեշտ է համեմատաբար թանկարժեք բժշկական զննություն, գորակոչիկը չի ուղեգրվել: Արդյունքում, պիտանիության մասին որոշումը կայացվել է թերի բուժզննությունների հիման վրա:

• **Ս. Թ.**

Զորակոչիկ Ս. Թ.-ին նախկինում մեկ անգամ տրամադրվել է տարկետում՝ բուժման նպատակով: Հաջորդ գորակոչին Ս. Թ.-ն ճանաչվել է պիտանի ծառայության համար թերի բժշկական զննությունների արդյունքում: Կազմակերպության պահանջով գորակոչիկը



ներկայացվել է ԿԲՀ-ի կրկնակի փորձաքննության, որից հետո ճանաչվել է ժամանակավորապես ոչ պիտանի զինվորական ծառայության համար:

Կրկին, սխալ կամ ոչ լիարժեք բուժզննությունների պատճառով զորակոչիկների մոտ սխալ պիտանելիություն է որոշվում: Թերի բուժզննությունները միայն զորակոչերով չեն սահմանափակվում:

4. Բուժզննությունների արդյունքում երկու տարբեր ախտորոշումների դեպքում զորակոչիկը չի ուղեգրվում ստուգիչ զննության: Բացի այդ երբեմն հաշվի չեն առնվում զորակոչիկների նախաձեռնությամբ իրականացված բուժզննությունների արդյունքները և ԿԲՀ կողմից որոշում է կայացնում ոչ ի օգուտ զորակոչիկի:

- Վ. Ա.

Զորակոչիկին նախկինում մեկ անգամ տրամադրվել է տարկետում տեսողության խնդրի կապակցությամբ: Հաջորդ զորակոչին նա ճանաչվել է պիտանի զինվորական ծառայության համար: Չհամաձայնելով հետազոտությունների արդյունքների հետ, զորակոչիկը նույն բժշկական հաստատությունում սեփական միջոցներով անցել է հետազոտություն, որի արդյունքում տրվել է այլ ախտորոշում, որն ակնհայտորեն տարբերվել է զորակոչի շրջանակներում իրականացված զննության արդյունքից:

ՀՀ կառավարության 2018 թ. N 405-Ն որոշման 41-րդ հոդվածի համաձայն՝ «Ախտորոշումը ճշտելու նպատակով՝ բավարար տվյալների բացակայության կամ համապատասխան լաբորատոր-գործիքային հետազոտություն անցած չլինելու կամ հետազոտական փաստաթղթերի միջև հակասությունների դեպքերում, ԿԲՀ-ն կարող է հետազոտությունը պահանջող բժիշկ-մասնագետի գրավոր հիմնավորմամբ զորակոչիկին ռազմաբժշկական կամ քաղաքացիական բժշկական հաստատություն լրացուցիչ, ստուգիչ կամ հսկողական հետազոտության ուղեգրելու վերաբերյալ տալ եզրակացություն»:

Փաստացի գորակոչիկի հետազոտական փաստաթղթերի միջև առկա են հակասություններ, սակայն գորակոչի ընթացքում վիճինս չի ուղեգրվել ստուգիչ հետազոտության, ինչի արդյունքում կայացվել է որոշում պիտանիության վերաբերյալ:

5. Երբեմն գորակոչային հանձնաժողովը գորակոչիկներին չի ուղեգրում լրացուցիչ զննության, իսկ ուղեգրելու դեպքում իրականացված զննությունները արդյունավետ չեն, քանի որ չեն արտացոլում գորակոչիկների առողջական վիճակի իրական պատկերը, իսկ գորակոչիկների գանգատները հաճախ անտեսվում են:

6. Որոշ բժշկական հաստատությունների կողմից գորակոչիկների առողջական վիճակի վերաբերյալ ախտորոշումները տրամադրվում են առանց համապատասխան բուժզննություններ կատարելու:

- **Ս. Պ.**

Զորակոչիկ Ս. Պ.-ին նախկինում 3 անգամ տրամադրվել է տարկետում՝ առողջական լուրջ խնդիրների կապակցությամբ: Այնուամենայնիվ, 2022 թ. ձմեռային գորակոչին Ս.Պ.-ն ճանաչվել է սահմանափակումով պիտանի զինվորական ծառայության համար՝ թերի բուժզննությունների արդյունքում: Ավելին, որոշ առողջական խնդիրների կապակցությամբ գորակոչիկին ախտորոշում է տրվել առանց հետազոտության իրականացման:

Ճանաչվելով պիտանի զինվորական ծառայության համար՝ գորակոչիկ Ս.Պ.-ն դիմել է ՀՔԱ Վանաձորի գրասենյակ և միայն Կազմակերպության դիմումի հիման վրա, ուղեգրվելով լրացուցիչ հետազոտությունների, գորակոչիկը ճանաչվել է ոչ պիտանի զինվորական ծառայության համար:

7. Ձորակոչիկների բժշկական զննությունների արդյունքների վերաբերյալ փաստաթղթերը ոչ ամբողջական են տրամադրվում, իսկ երբեմն դրանք «կորչում են» ՀՀ ՊՆ ՁԶԾ տարածքային ստորաբաժանումներից:

1. Կ. Ա.

Ձորակոչիկ Կ. Ա.-ն ունի առողջական խնդիրներ, որոնց կապակցությամբ նրան նախկինում երկու անգամ տրամադրվել է տարկետում: Ձորակոչիկը պահանջել է առողջական վիճակի զննության արդյունքները, սակայն ՁԶԾ տարածքային ստորաբաժանումում հայտնել են, որ դրանք «կորել են»: Հետագայում գորակոչիկին տրամադրել են առողջական փաստաթղթերի ոչ ամբողջական փաթեթ:

Բացի այդ գորակոչիկին ուղեգրել են համապատասխան զննությունների միայն ծնողի կողմից բանավոր բողոք ներկայացնելուց հետո:



ՀԱՎԵԼՎԱԾ 2

1998 Թ-ԻՑ ՄԻՆՉԵՎ 2023 ԹՎԱԿԱՆԻ ՀՈՒՆՎԱՐԻ 31-Ը ՀՀ ԿԱՌԱՎԱՐՈՒԹՅԱՆ ՈՐՈՇՄԱՍԲ ՊԱՐՏԱԴԻՐ ԶԻՆՎՈՐԱԿԱՆ ԾԱՌԱՅՈՒԹՅՈՒՆԻՑ ՏԱՐԿԵՏՈՒՄ ՍՏԱՑԱԾ ԵՎ ԱԶԱՏՎԱԾ ՔԱՂԱՔԱՑԻՆԵՐԻ ՎԵՐԱԲԵՐՑԱԼ

ՀՔԱ Վանաձորի գրասենյակը ուսումնասիրել է 1998 թ-ից ի վեր մինչև 2023 թ. հունվարի 31-ը ՀՀ կառավարության կողմից ընդունված որոշումները, որոնց հիման վրա առանձին քաղաքացիների տրամադրվում է պարտադիր զինվորական ծառայությունից տարկետում կամ ազատում տարբեր հիմքերով:

Քաղաքացիներին Կառավարության որոշմամբ պարտադիր զինվորական ծառայությունից ազատման կամ տարկետման տրամադրման մասին որոշում է կայացվում համաձայն 2017 թ. նոյեմբերի 17-ի «Զինվորական ծառայության և զինծառայողի կարգավիճակի մասին» ՀՀ օրենքի¹³ 21-րդ և 22-րդ հոդվածների 5-րդ կետի, ինչպես նաև ՀՀ կառավարության 2018 թվականի ապրիլի 12-ի N 450-Ն, N 451-Ն, N 457-Ն որոշումների:

Մասնավորապես՝ «Զինվորական ծառայության և զինծառայողի կարգավիճակի մասին» ՀՀ օրենքի **21-րդ հոդվածի 5-րդ կետով** սահմանվում է՝ «...քաղաքացիկարող էքացառիկ դեպքերում ազատվել պարտադիր զինվորական ծառայությունից՝ ՀՀ կառավարության որոշմամբ՝ ՀՀ կառավարության սահմանած կարգով»:

Նշված օրենքի **22-րդ հոդվածի 5-րդ կետով** սահմանվում է, որ «...**Գիտության, կրթության, մշակույթի, արվեստի և սպորտի բնագավառներում** նշանակալի նվաճումներ ունեցող քաղաքացիներին պարտադիր զինվորական ծառայության զորակոչից **տարկետում կարող է տրվել նաև ՀՀ կառավարության որոշմամբ՝** ՀՀ կառավարության սահմանած կարգով և պայմաններով»: Ի դեպ 2022 թվականի հոկտեմբերի 5-ին ընդունվեց «Զինվորական ծառայության և զինծառայողի կարգավիճակի մասին» օրենքում լրացում և փոփոխություն կատարելու մասին» ՀՕ-364-Ն որոշումը¹⁴:

¹³<https://www.arlis.am/DocumentView.aspx?DocID=131552>

¹⁴<https://www.arlis.am/DocumentView.aspx?docid=169380>

Փոփոխությունը վերաբերում է ՀՀ կառավարության որոշմամբ գիտության և կրթության բնագավառում նշանակալի նվաճումներ ունեցող, մասնավորապես՝ բնագիտական, տեխնոլոգիական, ճարտարագիտական և մաթեմատիկական (ԲՏՃՄ) ուղղություններով պետության համար առաջնահերթ և կարևորություն ներկայացնող մասնագիտություններով համապատասխան բուհերում սովորող քաղաքացիներին պարտադիր զինվորական ծառայության զորակոչից տարկետմանը՝ մինչև 28 տարին լրանալը, նախկինում գործող 27-ի փոխարեն:

ՀՀ կառավարության 2018 թվականի ապրիլի 12-ի **N 450-Ն** որոշման համաձայն՝ պարտադիր զինվորական ծառայության զորակոչից *տարկետում է տրամադրվում մսպորտի բնագավառում նշանակալի նվաճումներ ունեցող քաղաքացիներին*¹⁵:

ՀՀ կառավարության 2018 թվականի ապրիլի 12-ի **N 451-ն որոշման**՝ պարտադիր զինվորական ծառայության զորակոչից *տարկետում է տրամադրվում գիտության և կրթության բնագավառներում նշանակալի նվաճումներ ունեցող քաղաքացիներին*¹⁶:

ՀՀ կառավարության 2018 թվականի ապրիլի 12-ի **N 457-ն որոշման**՝ պարտադիր զինվորական ծառայության զորակոչից *տարկետում է տրամադրվում մշակույթի և արվեստի բնագավառներում նշանակալի նվաճումներ ունեցող քաղաքացիներին*¹⁷:

Քաղաքացիները Կառավարության որոշմամբ պարտադիր զինվորական ծառայությունից *ազատվում են ՀՀ կառավարության 2019 թվականի փետրվարի 15-ի N 89-Ն*՝ «Քաղաքացուն բացառիկ դեպքերում պարտադիր զինվորական ծառայությունից ազատելու կարգը սահմանելու մասին» որոշման համաձայն¹⁸՝ մշակույթի և արվեստի, սպորտի, ինչպես նաև գիտական աստիճան ունեցող քաղաքացուն կրթության և գիտության բնագավառներում գործունեության հիմքով:

¹⁵<https://www.arlis.am/DocumentView.aspx?DocID=152177>

¹⁶<https://www.arlis.am/DocumentView.aspx?DocID=145549>

¹⁷<https://www.arlis.am/DocumentView.aspx?DocID=135030>

¹⁸<https://www.arlis.am/DocumentView.aspx?docid=128187>

Ի դեպ 2022 թվականի հոկտեմբերի 5-ին ընդունվեց «Զինվորական ծառայության և զինծառայողի կարգավիճակի մասին» օրենքում լրացում և փոփոխություն կատարելու մասին» ՀՕ-363-Ն որոշումը¹⁹:

Օրենքի 21-րդ հոդվածը լրացվեց 5.1-ին մասով: Մասնավորապես՝ *«Պարտադիր զինվորական ծառայությունից ազատվում է այն քաղաքացին, որը, որպես օտարերկրյա քաղաքացի, Հայաստանի Հանրապետության քաղաքացիություն է ձեռք բերել որևէ մարզածնի՝ Հայաստանի Հանրապետության հավաքական թիմում (որևէ տարիքային խմբում) հանդես գալու համար և մինչև 2021 թվականի մայիսի 1-ը պարտադիր զինվորական ծառայությունից տարկետման իրավունքը կորցրել է: Սույն օրենքը գործել է մինչև 2023 թվականի հունվարի 31-ը:*

Համաձայն մեր ուսումնասիրության՝ 1998-ից մինչև 2023 թ. հունվարի 31-ն ընկած ժամանակահատվածում զինվորական ծառայությունից **տարկետում ստացել են 2712** քաղաքացի և **ազատվել 344-ը**: Ընդ որում, ազատված անձանցից 56-ը պարտադիր զինվորական ծառայությունից ազատվել են միանգամից՝ առանց մինչ այդ տարկետում ստանալու: Իսկ 288 անձ զինվորական ծառայությունից ազատվել է նախկինում մեկ կամ ավելի անգամ տարկետում ստանալուց հետո: 1998 թվականից մինչև 2018 թվականը տարկետում է ստացել 1450 քաղաքացի, 2019-ից 2023 թվականներին՝ 1262 քաղաքացի:

2049 հոգի տարկետում է ստացել 1 անգամ (ընդ որում նրանցից 3-ին տրամադրված տարկետումը հետագայում դադարեցվել է որոշակի սպորտաձևի հավաքական թիմի կազմում նրանց ընդգրկված չլինելու պատճառով):

685 անձի տարկետում տրամադրվել է **ավելի քան մեկ անգամ**: Մասնավորապես՝

- 2 անգամ տարկետում է ստացել՝ **424** հոգի,
- 3 անգամ՝ **184** հոգի,
- 4 անգամ՝ **33** հոգի,
- 5 անգամ՝ **16** հոգի,
- 6 անգամ՝ **9** հոգի,
- 7 անգամ՝ **10** հոգի,
- 8 անգամ՝ **6** հոգի,

¹⁹ <https://www.arlis.am/DocumentView.aspx?docid=169377>



- 9 անգամ՝ 3 հոգի: (տե՛ս աղյուսակ 1):

Աղյուսակ 1. 1998-ից մինչ 2023 թ. հունվարի 31-ը ՀՀ Կառավարության որոշմամբ պարտադիր զինվորական ծառայությունից տարկետում ստացած կամ ազատված անձանց թիվն ըստ հիմքերի և տարկետումների հաճախականության

Տարկետման և ազատման հիմքերը	Տարկետումների թիվն ըստ անձանց	Ազատումների թիվն ըստ անձանց	Պարտադիր զինվորական ծառայությունից տարկետումների հաճախականությունը և դրանց արդյունքում ազատումների թիվը		
			Տրամադրված տարկետումների հաճախականությունը ներառյալ նույն անձին 1 և/կամ մի քանի անգամ տրամադրված տարկետումների թիվը		Միանգամից ազատում
			Տարկետումից հետո ազատում անձ		
Կրթական	1032	0	1159		
			1 անգամ	942	
			2 անգամ	61	
			3 անգամ	23	
			4 անգամ	4	
			5 անգամ	2	
Հոգևորական	404	186	1008		168
			1 անգամ	133	25
			2 անգամ	99	53
			3 անգամ	110	69
			4 անգամ	22	9
			5 անգամ	12	1
			6 անգամ	9	6
			7 անգամ	10	2
			8 անգամ	6	0
			9 անգամ	3	3
Սպորտ	313	80	478		63
			1 անգամ	199	15
			2 անգամ	67	21
			3 անգամ	43	26
			4 անգամ	4	1
Հիմքը նշված չէ	61	7	65		4

§§§§§3 դեպքում տարկետումը դադարեցվել է որոշակի սպորտաձևի հավաքական թիմի կազմում 3 քաղաքացիների ընդգրկված չլինելու հիմքով



			1 անգամ	57	4	3
			2 անգամ	4		
Մշակութային	61	10	91	6	4	
			1 անգամ	44	3	3
			2 անգամ	10	1	
			3 անգամ	3	1	
			4 անգամ	2	1	
			5 անգամ	2		
Գիտական-կրթական	834	26	1026	24	2	
			1 անգամ	649	23	2
			2 անգամ	179	1	
			3 անգամ	5		
			4 անգամ	1		
Գիտական և գիտատեխնիկական գործունեություն	1	35	1	23	12	
			1 անգամ	1	19	12
			2 անգամ		4	
Աշխատանքային	6	0	9			
			1 անգամ	3		
			2 անգամ	3		
Ընդամենը	2712	344	3837	288	56	

Զինծառայությունից 2712 տարկետում ստացած և 348 ազատված անձանց վերաբերյալ 1998 թ-ից մինչ 2023 թ-ի հունվարի 31-ը Կառավարության կողմից ընդունվել է 797 որոշում, որից տարկետման վերաբերյալ՝ 702 որոշում, ազատման վերաբերյալ՝ 95 *(տե՛ս աղյուսակ 2)*:

Աղյուսակ 2. 1998-ից մինչ 2023 թ. հունվարի 31-ը ՀՀ կառավարության որոշմամբ պարտադիր զինվորական ծառայությունից տարկետում ստացած կամ ազատված անձանց վերաբերյալ ընդունված որոշումների թիվն ըստ տարկետման և ազատման հիմքերի

Տարկետման և ազատման հիմքերը	Տարկետման մասին որոշում	Ազատման մասին որոշում	Ընդամենը
Կրթական	451	0	451
Հոգևորական	37	20	57
Մշակութային	50	10	60
Սպորտ	74	27	101
Հիմքը նշված չէ	37	3	40
Գիտական-կրթական	39	26	65
Աշխատանքային	3	0	3
Գիտական-գիտատեխնիկական	1	9	10
Ընդամենը	702	95	797²¹

ՀՀ կառավարության որոշմամբ պարտադիր զինվորական ծառայությունից տրամադրված տարկետումների վերաբերյալ տվյալներ

1998-ից մինչև 2023 թ. հունվարի 31-ն ընկած ժամանակահատվածում **կրթությունը** շարունակելու նպատակով ընդունվել է **451** տարկետում տրամադրելու որոշում **1032²²** քաղաքացիների վերաբերյալ, որոնք սովորում են հանրակրթական, հիմնական

²¹Որոշումների թիվում ներառված են բոլոր առանձին ընդունված որոշումները՝ ներառյալ մեկ անձի վերաբերյալ մի քանի անգամ կայացված առանձին որոշումների թիվը:
²²Այն անձինք, ովքեր նախկինում կրթական հիմքով տարկետում ստանալուց հետո նաև տարկետում են ստացել կամ ազատվել են գիտական-կրթական հիմքով, Կազմակերպության կողմից ներառվել են գիտական-կրթական հիմքով տարկետում ստացածների թվում:



կրթության հիմքի վրա առանց ընդհատման նախնական (արհեստագործական) կամ միջին մասնագիտական կրթական ծրագրերով, ինչպես նաև բարձրագույն ուսումնական հաստատություններում բակալավրի կամ դիպլոմավորված մասնագետի կամ ինտեգրացված կրթական ծրագրով առկա ուսուցմամբ:

Նշենք, որ 2021 թվականի ապրիլի 19-ին «Զինվորական ծառայության ել գինծառայողի կարգավիճակի մասին» օրենքում²³ կատարվեց փոփոխություն, համաձայն որի՝ «...միջին մասնագիտական կրթական ծրագրով ուսումնառությունը չավարտած, ավարտական կուրսում սովորող և պարտադիր զինվորական ծառայության զորակոչի ենթակա քաղաքացուն ՀՀ կառավարության որոշմամբ մեկ անգամ տրվում է տարկետում՝ մինչև ուսումնառության ավարտի օրը ներառյալ, սակայն ոչ ավելի, քան նրա 20 տարին լրանալու օրը»²⁴: Նախկինում տարկետումը տրամադրվում էր մինչև վերջիններիս 19 տարին լրանալու օրը:

Հայ Առաքելական Եկեղեցու 404 հոգևոր սպասավորների և/կամ հոգևոր ճեմարաններում ուսուցանող սաների վերաբերյալ ընդունվել է պարտադիր զինվորական ծառայությունից տարկետման վերաբերյալ 37 որոշում:

Մշակութային (մշակույթի և արվեստի բնագավառում ունեցած բացառիկ ընդունակությունների) հիմքով 60 անձի վերաբերյալ կայացվել է տարկետման մասին 50 որոշում:

Սպորտի բնագավառում բացառիկ ունակություններ ցուցաբերած 313 անձանց վերաբերյալ ընդունվել է տարկետման մասին 74 որոշում:

Գիտության և կրթության բնագավառում նշանակալի նվաճումներ ունեցող 1026 անձի վերաբերյալ ընդունվել է պարտադիր զինվորական ծառայությունից տարկետման մասին 39 որոշում:

²³<https://www.arlis.am/DocumentView.aspx?DocID=152097>

²⁴<https://www.arlis.am/DocumentView.aspx?docid=152087>



Աշխատանքային հիմքով տարկետում տրամադրելու վերաբերյալ ընդունվել է **3** որոշում **6** անձի վերաբերյալ:

61 անձի վերաբերյալ տարկետման մասին **37** որոշումներում **չի նշվում տարկետման պատճառը:**

Կառավարության որոշմամբ պարտադիր զինվորական ծառայությունից տրամադրվող ազատումների վերաբերյալ մանրամասն տվյալներ

Հայ Առաքելայան եկեղեցու **190 հոգևոր սպասավորների** եւ/կամ հոգևոր ճեմարաններում ուսուցանող սաների վերաբերյալ ընդունվել է պարտադիր զինվորական ծառայությունից ազատման **վերաբերյալ 20 որոշում:** Նշված անձանցից 168-ը նախկինում ստացել է տարկետում մեկ կամ մի քանի անգամ, իսկ 18-ը միանգամից ազատվել են զինվորական ծառայությունից՝ առանց նախկինում տարկետում ստանալու:

Մշակույթի բնագավառում ցուցաբերած բացառիկ ընդունակությունների համար **10** անձի վերաբերյալ կայացվել է զինծառայությունից ազատման մասին **10** որոշում: Ընդ որում նրանցից 5-ը ազատվել են զինծառայությունից մեկ կամ ավելի անգամ տարկետում ստանալուց հետո, իսկ 3 հոգին՝ միանգամից:

Սպորտի բնագավառում բացառիկ ունակություններ ցուցաբերած **80** անձանց վերաբերյալ ընդունվել է զինծառայությունից ազատման մասին **27** որոշում: Նրանք բոլորը նախկինում մեկ կամ մի քանի անգամ ստացել են տարկետում:

Գիտության և կրթության բնագավառում նշանակալի նվաճումներ ունեցող **26** անձի վերաբերյալ ընդունվել է պարտադիր զինվորական ծառայությունից ազատման մասին 26 որոշում:

3 անձի դեպքում զինծառայությունից ազատման վերաբերյալ ընդունված **3** որոշումներում չի նշվում ազատման հիմքը: Ընդ որում նրանցից 1-ը նախկինում ստացել է տարկետում, իսկ 2-ը միանգամից ազատվել են զինծառայությունից՝ առանց նախկինում տարկետում ստանալու:



5 տարվա կտրվածքով դիտարկենք 1998 թ-ից ի վեր մինչև 2023 թ. հունվարի 31-ը ՀՀ կառավարության կողմից ընդունված որոշումները, որոնց հիման վրա առանձին քաղաքացիների տրամադրվել է պարտադիր զինվորական ծառայությունից տարկետում կամ ազատում տարբեր հիմքերով:

Դիտարկենք ՀՀ կառավարության որոշմամբ տրամադրված տարկետման և ազատման մասին որոշումների հաճախականությունը և պատճառները 1998 – 2023 թթ ժամանակահատվածի հնգամյա կտրվածքով:

1. 1998-2002 թվականներին Կառավարության կողմից ընդունված որոշումների համաձայն 98 հոգի ստացել է տարկետում հետևյալ հիմքերով՝
 - հոգևորական՝ 60
 - կրթական՝ 18
 - աշխատանքային՝ 9
 - մշակութային՝ 9
 - սպորտ՝ 1
 - 1 քաղաքացու դեպքում տարկետման հիմքը նշված չէ:

Նրանցից 78-ը տարկետում ստացել են 1 անգամ, 6-ը՝ 2, 2-ը՝ 3 անգամ, 12 հոգի հետագայում՝ 2002 թվականից հետո, ազատվել է զինվորական ծառայությունից:

2. 2003-2007 թվականներին տարկետում է ստացել 259 հոգի հետևյալ հիմքերով՝
 - կրթական՝ 151
 - հոգևորական՝ 72
 - մշակութային՝ 17
 - 19 քաղաքացու դեպքում տարկետման հիմքը նշված չէ:

164 հոգի տարկետում է ստացել 1 անգամ, 7 քաղաքացի՝ 2 անգամ, 2 քաղաքացի 3 և 1 քաղաքացի 4 անգամ: Տարկետում ստացածներից 85-ը հետագայում՝ 2007



թվականից հետո, ազատվել են զինվորական ծառայությունից: Միննույն ժամանակ, դիտարկվող ժամանակահատվածում Կառավարության կողմից ընդունված որոշումների համաձայն 16 քաղաքացի ազատվել է զինվորական ծառայությունից, որոնցից 14-ը ազատվել են միանգամից, իսկ 2-ը 1 անգամ տարկետում ստանալուց հետո:

3. 2008-2012 թվականներին Կառավարության որոշմամբ տարկետում է ստացել 1057 քաղաքացի հետևյալ հիմքերով՝

- կրթական՝ 573
- հոգևորական՝ 426
- սպորտ՝ 34
- մշակութային՝ 19
- 5 քաղաքացու դեպքում տարկետման հիմքը նշված չէ:

1 անգամ տարկետում է ստացել 474 քաղաքացի, 2 անգամ՝ 92 հոգի, 3 անգամ՝ 45 հոգի, 4 անգամ՝ 12 հոգի, 5 անգամ՝ 4 հոգի և 6 անգամ 6 հոգի: Ի դեպ, տարկետումների հաճախականությունը ներառում է նաև նշված հնգամյակն ընդգրկող ժամանակահատվածից հետո տարամադրված տարկետումների թիվը: Բացի այդ, տարկետում ստացած քաղաքացիներից 424-ը հետագայում՝ 2012 թվականից հետո, ազատվել են զինվորական ծառայությունից: Միաժամանակ դիտարկվող ժամանակահատվածում 85 քաղաքացի ազատվել է զինվորական ծառայությունից, որոնցից 5-ը ազատվել են միանգամից՝ առանց նախկինում տարկետում ստանալու, 16 քաղաքացի ազատվել է զինվորական ծառայությունից 1 անգամ տարկետում ստանալուց հետո, ևս 39, 23 և 2 քաղաքացի ազատվել են զինվորական ծառայությունից համապատասխանաբար 2, 3 և 4 անգամ տարկետում ստանալուց հետո:



4. 2013-2017 թվականներին տարկետում է ստացել 766 քաղաքացի հետևյալ հիմքերով՝

- հոգևորական՝ 450
- սպորտ՝ 142
- կրթական՝ 131
- գիտակրթական՝ 10
- մշակութային՝ 5
- 28 քաղաքացու դեպքում տարկետման հիմքը նշված չէ:

Նշվածներից 169 հոգի տարկետում է ստացել 1 անգամ, 76 հոգի տարկետում է ստացել 2 անգամ, 101 հոգի՝ 3 անգամ, 17 հոգի՝ 4 անգամ, 11 հոգի՝ 5 անգամ, 3 հոգի՝ 6 անգամ, 10 քաղաքացի՝ 7 անգամ, 6 հոգի՝ 8 անգամ և 3 հոգի 9 անգամ: Ի դեպ, տարկետումների հաճախականությունը ներառում է նաև նշված հնգամյակն ընդգրկող ժամանակահատվածից հետո տարամադրված տարկետումների թիվը: Դիտարկվող հնգամյակում Կառավարության որոշմամբ զինվորական ծառայությունից ազատվել է 110 քաղաքացի: Եվս 369 քաղաքացի զինվորական ծառայությունից ազատվել է հետագայում՝ 2017 թվականից հետո:

5. 2018-2023 թվականի հունվարի 31-ն ընկած ժամանակահատվածում Կառավարության որոշմամբ տարկետում է ստացել 1657 քաղաքացի հետևյալ հիմքերով՝

- գիտական-կրթական և գիտատեխնիկական՝ 1016
- սպորտ՝ 301
- կրթական՝ 286
- մշակութային՝ 42
- 12 քաղաքացու դեպքում տարկետման հիմքը նշված չէ:



1126 քաղաքացի տարկետում է ստացել միայն 1 անգամ, 240 քաղաքացի՝ 2 անգամ, 34 քաղաքացի՝ 3 անգամ, 3 քաղաքացի՝ 4 և 1 քաղաքացի՝ 5 անգամ: 18 քաղաքացու տարկետում դադարեցվել է, ևս 235 քաղաքացի հետագայում ազատվել է զինվորական ծառայությունից: Միննույն ժամանակ Կառավարության որոշման համաձայն 137 քաղաքացի ազատվել է զինվորական ծառայությունից, որոնցից 34-ը միանգամից են ազատվել ծառայությունից, 65-ը՝ 1 անգամ տարկետում ստանալուց հետո, 18 քաղաքացի ազատվել է զինվորական ծառայությունից 2-րդ տարկետումից, 19 քաղաքացի 3-րդ տարկետումից և 1 քաղաքացի 4-րդ տարկետումից հետո:

Այսպիսով, ամփոփելով Կառավարության որոշմամբ տրամադրված տարկետումների հաճախականությունը, կարող ենք արձանագրել, որ տարկետումները ամենաքիչ թիվը, Կազմակերպության ուսումնասիրության համաձայն, գրանցվել է առաջին երկու հնգամյակում՝ 1998-2002 և 2003-2007 թթ. համապատասխանաբար՝ 98 և 259 տարկետում, տրամադրված տարկետումների թիվը աճել է երրորդ հնգամյակում՝ 2008 – 2012 թթ. հասնելով մինչև 1057-ի, սակայն երրորդ հնգամյակում՝ 2013-2017 թթ. այն նվազել է մինչև 766 տարկետման, իսկ արդեն 2018-2023 թվականներին Կառավարության կողմից տարկետում ստացածների թիվը հասնել է 1657-ի, որից 1016-ը՝ 61%-ը, կազմում են զիտականկրթական և զիտատեխնիկական հիմքով տարկետում ստացած քաղաքացիները:



ՀԵԼՍԻՆԿՅԱՆ ՔԱՂԱՔԱՏԻԱԿԱՆ ԱՍԱՄԲԼԵԱՅԻ ԿԱՆԱԶՈՐԻ ԳՐԱՍԵՆՅԱԿ
HELSINKI CITIZENS` ASSEMBLY VANADZOR OFFICE